

T 3200/3632.84

(16)

歷陽典錄

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY
SEP 2 1947

19

歷陽典錄卷三十

哈佛大學漢和圖書館珍藏印

歷陽陳廷桂子犀纂輯

藝文七

詩

唐李白歷陽壯士勤將軍名恩齊歌

原注歷陽壯士勤將軍神力出

於百夫則天太后召見奇之授游擊將軍賜錦袞玉帶朝野榮之拜橫南將軍大臣慕義結十友即燕王張說館陶公郾元振為首余壯之遂作詩太古歷陽郡化為洪川在江山

猶鬱盤龍虎祕光采蓄洩數千載風雲何灩灩特生

勤將軍神力百夫倍

太白集

李白醉後贈王歷陽書禿千兔豪詩裁兩牛腰縱筆

起龍虎舞頭拂雲霄雙歌二胡姬更奏遠清朝舉酒

挑朔雪從君不相饒

太白集

李白對雪醉後贈王歷陽有身莫犯飛龍鱗有手莫

辦猛虎鬚君看昔日汝南市白頭僊人隱玉壺子猷

聞風動窗竹相邀共醉杯中綠歷陽何異山陰時白

雪飛花亂人曰君家有酒我何愁客多樂酣秉燭遊

謝尚自能鸚鵡舞相如免脫鸚鵡裘清晨鼓棹過江

公千里相恩明月樓

太白集

李白嘲王歷陽不肯飲酒地白風色寒雪花大如手

笑殺陶淵明不飲杯中酒浪撫一張琴虛栽五株柳

空負頭上巾吾於爾何有

太白集

李白贈歷陽褚司馬時此公為稚子舞故伯是詩也

北堂千萬壽侍奉有光輝先同稚子舞更著老萊衣

因為小兒哢醉倒月下歸人間無此樂此樂世中稀

太白集

唐劉長卿和州雷別穆郎中播遷悲遠道搖落感衰

容今日猶多難何年更此逢世交黃髮嫩鄉路白雲

重明發看煙樹惟聞江上鐘

全唐詩

按穆郎中當係穆甯甯大歷初為和州刺史

劉長卿和州送人歸復郢因家漢水曲相送掩柴扉

故郢生秋草寒江淡落暉綠林行客少赤壁住人稀
獨過潯陽太潮歸人未歸全唐詩

唐盧綸和趙端公九日登石亭上和州家兄洛浦想

江津悲歡共此晨采花湖岸菊望國舊樓人鴈別聲

偏苦松寒色轉新傳書問淡叟俗寇爾何因全唐詩

按唐時和州刺史有盧慎思盧廣濟盧士牟此詩未知所贈何人

盧綸送申屠正字往湖廣迎親兼謁趙和州因呈上

侍郎使君并戲簡前歷陽李明府曉月朧朧映水關

水邊因到歷陽山千艘財貨朱橋下一曲閭閻青荻

間坦腹定逢潘令醉上樓應伴庾公閒歡餘若問南

行計知念天涯負米還全唐詩

唐嚴維送薛居士和州讀書孤雲獨鶴共悠悠萬卷

經書一葉舟楚地巢城民舍少煙邨社樹鷺湖秋蒿

萊織妾晨炊黍隅落耕童夕放牛年少不應辭苦節

諸生若遇大封侯全唐詩

唐韓愈此日足可惜贈張籍原注愈時在徐籍往謁之辭去作是詩以送

此日足可惜此酒不足嘗捨酒去相語其分一日光

念管未知子孟君自南方自矜有所得言子有文章

我名屬相府欲往不得行息之不可見百端在中腸

維時月魄死冬日朝在房馳驅公事退問子適及城

命車載之至引坐於中堂開懷聽其說往往副所望
孔邱歿已遠仁義路久荒紛紛百家起詭恠相披猖
長老守所聞後生習爲常少知誠難得純粹古已亾
譬彼植園木有根易爲長畱之不遣去館置城西旁
歲時未云幾浩浩觀湖江眾夫指之笑謂我知不明
兒童畏雷電負鼈驚夜光州家舉進士選試謬所當
原注汴士舉進士愈爲改官試反舌無聲詩籍中等馳辭對我策章句何煒煌
相公朝服立工席歌鹿鳴禮終樂大闋相拜送於庭
之子太須臾赫赫畱盛名竊喜復竊歎諒知有所成
人事安可恆奄忽令我傷聞子高第日正從相公喪

原注貞元十五年高郵知舉籍登第

哀情逢吉語恟悅難爲雙暮宿偃
師西徒展轉在牀夜聞汴州亂遶壁行徬徨我時畱
妻子倉卒不及將相見不復期零落甘所了驕兒未
絕乳念之不能忘忽如在我所百若聞唳聲中途安
得返一日不可更俄有東來說我家免罹殃乘船下
汴水東去趨彭城從喪朝至洛還走不及停假道經
盟津出入行澗岡日西入軍門羸馬顛且僵主人願
少畱延入陳壺觴卑賤不敢辭忽忽心如狂飲會豈
知味絲竹徒轟轟平明脫身去決若驚鳧翔黃昏次
汜水欲過無舟航號呼久乃至夜濟十里黃中流上

灘渾沙水不可詳驚波暗合昏星宿爭翻芒轅馬蹠
 躅鳴左右泣僕童甲午憩時門臨泉窺鬪龍東南出
 陳許陂澤平茫茫道邊草木花紅紫相低昂百里不
 逢人肉肉雄雌鳴行行二月暮乃及徐南疆下馬步
 隄岸上船拜吾兄誰云經艱難百口無天殤僕射南
 陽公宅我睢水陽篋中有餘衣盜中有餘糧閉門讀
 書叟窗戶忽已涼日念子來遊子豈知我情別離未
 為久辛苦多所經對會每不飽共言無倦聽連延三
 十日晨坐達五更我友二三子宦遊在西京東野窺
 禹穴李翱觀濤江蕭條千萬里會合安可逢淮之水

舒舒楚山直叢叢子又舍我去我懷焉所窮男兒不

再壯百歲如風狂高爵尚可求無為守一鄉

昌黎集

州志不收籍入科第觀此詩籍登第之年並知貢舉攷官及試題皆可攷見他志者並韓集夾未寓

耶目

韓愈贈張籍吾老著讀書餘事不挂眼有兒雖甚憐
 教示不免簡君來好呼出踉蹌越門限懼其無所知
 見則先愧赧昨因有緣事上馬插手版畱君住廳會
 使立侍盤饑薄暮歸見君迎我笑而莞指渠相賀言
 此是萬金產吾愛其風骨粹美無可揀試將詩義授
 如以肉貫弗開祛露毫末自得高寒嶮我身蹈邱軻

爵位不蚤縮固宜長有人文章紹編刻感荷君子德
况若乘朽棧召令吐所記解摘了瑟僂顧視窗壁間
親戚競覘讐喜氣排寒冬逼百鳴睨皖如今更誰恨
僂可耕灞滄

昌黎集

韓愈調張籍李杜文章在光焰萬丈長不知羣兒愚
那用故謗傷蚍蜉撼大樹可笑不自量伊我生其後
舉頸遙相望夜夢多見之晝息反微茫徒觀斧鑿痕
不矚治水航想當施手時巨刃摩天揚垠崖劃崩豁
乾坤擺雷礮惟此兩夫子家居率荒涼帝欲長吟哦
故遣起且僵翦翎送籠中使看百鳥翔平生千萬篇

金薤垂琳琅僊官敕六丁雷電下取將流落人間者
太山一豪芒我願生兩翅捕逐出入荒精誠忽交通
百恠入我腸刺手拔鯨耳舉瓢酌天漿騰身跨汗漫
不著織女襄顧語地上友經營無太忙乞君飛霞珮
與我高頡頏

昌黎集

韓愈病中贈張十八中虛得暴下避冷臥北窗不踏
曉鼓朝安眠聽逢逢籍也處閭里抱能未施邦文章
自娛戲金石日擊撞龍文百斛鼎筆力可獨扛談舌
久不掉非君諒誰雙扶几導之言曲節初撻撻半塗
喜開鑿派別失大江吾欲盈其氣不令見麾幢牛羊

滿田野解旆束空杠傾樽與斟酌四壁堆罌缸玄帷
隔雪風照鑪釘明缸夾闌縱擗闔哆口疎眉厖勢侔
高陽翁坐約齊橫降連日挾所有形軀頓降肛將歸
乃徐謂予言得無唵迴軍與角逐斫樹收窮龐雌聲
吐款要酒壺綴羊腔君乃崑崙渠籍乃嶺頭瀧譬如
蟻垤微詎可陵崆峒卒願終賜之斬拔枿與椿從此
識歸處東流水淙淙

昌黎集

韓愈翫月喜張十八員外以王六祕書至前夕雖十
五月長未滿規君來晤我時風露渺無涯浮雲蔽白
后天宇開青池孤質不自憚中天為君施翫翫夾遂

久亭亭曙將披况當今夕圓又以嘉客隨憺無酒會

樂但用歌嘲為

昌黎集

韓愈晚寄張十八助教曰暮風景曠出歸偃前簷晴
雲如孽絮新月似磨鎌田野興偶動衣冠情久厭吾
生可攜手歎息歲將淹

昌黎集

韓愈雨中寄張博士籍放朝還不報半路踏泥歸雨
慣曾無節靄頻白失威見牆生菌徧憂麥佗蛾飛歲

晚偏蕭索誰能救晉饑

昌黎集

韓愈咏雪贈張籍只見縱橫落甯知遠近來飄颻還
自弄歷亂竟誰催座暖銷那恠池清失可猜劫中初

蓋底垤處遂成堆慢有先居後輕多去卻迴度前鋪
瓦隴發本積牆隈穿細時雙透乘危忽半摧舞深逢
坎井集蚤值層臺砧練終宜擣階紈未暇裁城寒裝
睥睨樹凍裹莓苔片片勻如翦紛紛碎若按定非燻
鵠鷺真是屑琉璃緯繡觀朝萼冥茫矚晚埃當窗恆
凜凜出戶卽皚皚壓野榮芝菌傾都委貨財娥嬉華
蕩瀆胥怒浪崔嵬磧迴疑浮地雲平想輾雷隨車翻
縞帶逐馬轍銀盃萬屋漫汗合千株照曜開松篁遭
挫折糞壤獲饒培隔絕門庭遽擠排陞級纔豈堪裨
嶽鎮強欲效鹽梅隱匿瑕疵盡包羅委瑣該誤雜宵

呃喔驚雀暗徘徊浩浩過三暮悠悠匝九垓鯨鯢陸
死骨玉石火炎灰厚慮填溟壑高愁撒斗魁日輪埋
欲側坤軸壓將頽岸類長蛇攬陵猶巨象逐水官誇
桀黠木氣怯胚胎著地無由卷連天不易推龍魚冷
蟄苦虎豹餓號哀巧俗奢華僂專繩困約災威貪陵
布被光肯離金罍賞玩捐他事歌謠放我才狂教詩
肆瓦興與酒陪總惟子能諳百諸人得語哉助畱風
佗黨勸坐火爲媒雕刻文刀利搜求智網恢莫煩相
屬和傳示及提孩

昌黎集

韓愈賀張十八祕書得裴司空馬司空遠寄養初成

毛色桃花眼鏡明落日已會交轡語春風還擬竝鞍
行長令奴僕知飢渴須著賢良待性情旦夕公歸伸

拜謝免勞騎去逐雙旌

昌黎集

韓愈贈張十八助教喜君眸子重清朗攜手城南歷

舊遊忽見孟生題竹處相看淚落不能收

昌黎集

觀此詩知司業晚年目疾已痊實非終以盲廢四
庫書司業集題詞引司業祭還之詩公比欲為書
遺約有修章令我署其末以為後事程云云知其
能執筆作字猶不若此詩之明白易見也昌黎與
司業城南遊後不久即世故司業祭詩及之前後
情事歷歷可見又司業集中尚有一詩云三年患
眼今年免校與風光便隔生昨日韓家後園裏看
花猶似未分明玩其語意南溪遊後目光大明喜
極賦詩當大即在昌黎贈詩後一二日也

韓愈蚤春呈水部張十八員外二首天街小雨潤如

酥草色遙看近卻無最是一年春好處絕勝煙柳滿

皇都莫道官忙身老大即無年少逐春心憑君先

到江頭看柳色如今溪未深

昌黎集

唐裴度酬張祕書因寄馬贈詩滿城馳逐皆求馬古

寺閑行獨與君代步自慙非逸足緣情何幸枉高文

若逢佳麗從將換莫共駑駘角出羣飛控著鞭能顧

我當時王粲大從軍

全唐詩

唐張籍寄和州劉使君別離已久猶為郡閒向春風

倒酒餠送客特過沙口堰看花多上水心亭曉來江

氣連城白雨後山光滿部青到此詩情應更遠醉中

高詠有誰聽張司業集

張籍送蕭遠弟街北槐花傍馬垂病身相送出門遲

與君別後秋風夜佗得新詩說向誰張司業集

張籍弟蕭遠雪夜同宿數卷新遊蜀客詩長安僻巷

得相隨草堂雪夜攜琴宿說似青城館裏時張司業集

張籍憶故州纍石為山伴野夫自收靈藥讀僊書如

今身是他州客每見青山憶舊居張司業集

張籍寄朱闕二山人為箇朝章束此身眼看東路去

無因歷陽舊客今應少轉憶鄰家二老人張司業集

唐白居易讀張籍古樂府張君何為者業文三十春

尤工樂府詩舉代少其倫為詩意如何六義互鋪陳

風雅比興外未嘗著空文讀君學僊詩可諷放佚君

讀君董公詩可誨貪暴臣讀君商女詩可感悍婦仁

讀君勤齊詩可勸薄夫敵上可裨教化舒之濟萬民

下可理情性卷之善一身始從青衿歲迨此白髮新

日夜秉筆吟心苦力大勤時無采詩官委棄如泥塵

恐君百歲後滅沒人不聞願藏中祕書百代不湮淪

願播內樂府時得聞至尊言者志之苗行者文之根

所以讀君詩大知君為人如何欲五十官小身賤貧

病眼街西住無人行到門白太傅集

白居易酬張十八訪宿見贈答我為近臣君常稀到

門今我官職冷惟君來往頻我受狷介性立為頑拙

身平生雖寡合合即無淄磷况君秉高義富賢視如

雲五侯三相家眼冷不見君問其所與遊獨言韓舍

人其次即及我我媿非其倫胡為謬相愛歲晚逾勤

勤落然頽簷下一話爽達晨牀單食味薄夫不嫌我

貧日高上馬去相顧猶逡巡長安久無雨日赤風昏

昏憐君將病眼為我犯埃塵遠從延康里來訪曲江

濱所重君子道不獨媿相親白太傅集

白居易寄張十八飢止一簞食渴止一壺漿出入止

一馬寢興止一牀此外無長物於我有若亾胡然不

知足名利心遑遑念茲彌懶放積習遂為常經旬不

出門竟日不下堂同病者張生貧僻住延康慵中每

相憶此意未能忘迢迢青槐街相去八九坊殊來未

相見應有新詩章蚤晚來同宿天氣轉清涼白太傅集

白居易酬張太祝晚秋臥病見寄高才淹禮寺短羽

翔禁林西街居處遠北闕官曹深君病不來訪我忙

難往尋塋池終日別寥落經年心露溼綠蕪地月寒

紅樹陰况茲獨愁夕聞彼相息吟上歎言笑阻下嚙

歲時侵容衰曉窗鏡息苦秋絃琴一章錦繡段八韻
瑤音何以報珍重慙無雙南金白太傅集

白居易逢張十八員外籀旅恩正茫茫相逢此道旁

晚嵐林葉闇秋露草花香白髮江城守青衫水部郎

客亭同宿處忽似夜歸鄉白太傅集

白居易雨中招張司業宿過夏衣香潤迎秋簟色鮮

斜支花石枕臥詠藥珠篇泥濘非遊日陰沈好睡天

能來同宿否聽雨對牀眠白太傅集

白居易曲江獨行招張十八曲江新歲後冰與水相

和南岸猶殘雪東風未有波偶遊身獨自相憶意如

何莫待春淡去花時鞍馬多白太傅集

白居易張十八員外以新詩二十五首見寄郡樓月

下吟玩通夕因題卷後封寄微之秦城南省清秋爽

江郡東樓明月時去我三十六百里得君二十五篇

詩陽春曲調高難和淡水交情老始知坐到天明吟

未足重封轉寄與微之白太傅集

白居易和張十八秘書謝裴相公寄馬齒齋臙足毛

頭膩祕閣張郎叱撥駒洗了頷花翻假錦走時蹠汗

蹋真珠青衫昨見曾經否紅粟難賒得飽無丞相寄

來應有意遣君騎去上雲衢白太傅集

白居易喜張十八博士除水部員外郎老何沒後吟
聲絕雖有郎官不愛詩無復篇章傳道路空留風月
在曹司長嗟博士官猶屈次恐騷人道漸衰今日間
君除水部喜於身得省郎時

白太傅集

白居易畲劉和州禹錫換印雖頻命未通歷陽湖上
又殊風不教才展休明代為罰詩爭造化工我次恩
歸田舍下君應厭臥郡齋中好將收拾為閒伴年齒

官班約略同

白太傅集

白居易酬劉和州戲贈錢塘山水接蘇臺兩地寒帷
愧不才政事繁無爭學得風情舊有且將來雙蛾解

珮嗑相送五馬鳴珂笑卻回不似劉郎無景行長拋

春恨在天台

白太傅集

白居易重畲劉和州分無佳麗敵西施敢有文章替
左司隨分笙歌聊自樂等閒篇咏被人知花邊妓引
尋香徑月下僧畱宿劍池可惜當時好風景吳王應

不解吟詩

白太傅集

白居易畲張籍憐君馬瘦衣裘薄許到江東訪鄙夫
今日正閒天又暖可能扶病暫來無

白太傅集

白居易贈張十八諫垣幾見遷遺補憲府頻聞轉殿
監獨有咏詩張太祝十年不改舊官銜

白太傅集

白居易酬韓侍郎張博士雨後遊曲江見寄小園新
種紅櫻樹閑繞花行便當遊何必更隨鞍馬隊衝泥

蹋雨曲江頭

白太傅集

唐元稹酬樂天吟張員外詩見寄因息上京每與樂
天於居敬兄升平里詠張新詩樂天書內重封到居
敬堂前共讀時四友一為泉路客三人兩詠浙江詩
別無遠近皆難見老滅心情自各知杯酒與他年少
隔不相酬贈欲何之

全唐詩

元稹酬張祕書因寄馬贈詩丞相功高厭武名牽將
戰馬寄儒生四蹏荀距藏雖盡六尺鬢頭見尚驚減

粟偷兒憎未飽騎驢詩客罵先行勸君還卻司空著

莫遣衙參傍子城

全唐詩

唐王建送張籍歸江東清泉澣塵緇靈藥釋昏狂君
詩發大雅正氣迴我腸復令五采姿潔白歸天常
管歲同講道青衿在師旁出處兩相因如彼衣與裳行
行成歸此離我適咸陽失意未還家馬蹏盡四方訪
子詠新文不倦道路長童僕懷管念大如還故鄉相
親惱晝夜寢息不異牀猶將在遠道忽忽起忽量黃
金未為囂無以挹酒漿所念俱貧賤安得相發揚迴
車歸遠省舊宅江南廂歸鄉非得意但資情義彰五

月天氣熱波濤毒於湯慎勿多飲酒藥膳願自強全唐詩

王建酬張十八病中寄詩本性慵遠行縣縣病自生

見君綢繆息慰我寂寞情風幌夜不掩烁燈照雨明

彼愁此又憶一夕兩盈盈全唐詩

王建寄廣文張博士春明門外伶卑官病友經年不

得看莫道長安近於日昇天卻易到城難全唐詩

王建揚州尋張籍不見別後知君在楚城揚州寺裏

覓君名西江水闊吳山遠卻打船頭向北行全唐詩

唐孟郊寄張籍夜鏡不照物朝光何時昇黯然烁息

來走入志士膺志士惜時逝一宵三四興清漢徒自

朗濁河終無激舊愛忽已遠新愁坐相凌君其隱壯

懷我失逃名稱古人賢從晦君子忌黨朋傾敗生所

競保全歸惜惜浮雲何當來潛虬欲飛騰孟東野集

孟郊與韓愈張籍李翱話別朱絃奏離別華燈少光

輝物色豈知異人心故相違客程殊未已歲華忽然

微烁桐故葉下寒露新鴈飛遠遊起重恨送人念先

歸夜集類羈身晨光失相依馬跡繞川水鴈書還闈

闈常恐親朋阻獨行知慮非孟東野集

孟郊寄張籍未見天子面不如雙盲人賈生對文帝

終日猶悲辛夫子
 夫如盲所以空泣麟
 有時獨齋心
 髣髴夢稱臣
 夢中稱臣言覺後
 眞埃塵東京有眼富
 不如西京無眼貧
 西京無眼猶有目
 隔牆時聞天子
 車麟麟麟車聲
 輾冰玉南郊壇上禮
 百神西明寺
 後窮瞎張太祝
 縱爾有眼誰爾珍
 天子咫尺不得見
 不如閉眼且養眞

孟東野集

唐劉禹錫和州送錢侍御自宣州幕拜官便於華州
 覲省五采繡衣裳
 當年正相稱春風函關路
 歸去眞多興
 蘭陔行可采蓮府
 猶回瞪揚家紺幘
 迎謝守瑤華贈御街草
 汎濫臺柏煙含疑
 曾是平簪遊無因
 理

歸乘

中山集

劉禹錫張郎中籍遠寄長句開械之日已及新秋因
 舉日前仰酬高韻南宮詞客寄新篇清似湘靈促杜
 絃京邑舊遊勞夢想歷陽秋色正激鮮雲銜日脚成
 山雨風駕潮頭入渚田對此獨吟還獨酌知音不見

恩蒼然

中山集

劉禹錫裴相公大學士見示畚張祕書謝馬詩并羣
 公屬和因命追佗草玄門戶少塵埃丞相并州寄馬
 來初自塞垣銜苜蓿忽行幽徑破莓苔尋花緩轡威
 遲衣帶洒垂鞭躩蹠回不與王侯與詞客知輕富貴

重清才

中山集

唐姚合寄主客張郎中
年長方慕道金丹事參差故

園歸未得烁風恩難持寒拙公府棄樸靜高人知以

我齊杖履昏旭詎相離吟詩紅葉寺對酒黃菊籬所

賞未及畢後遊良有期粲粲華省步屑屑旅客姿未

同山中
公固當殊路歧

姚武功集

姚合酬張籍司業見寄
日日在心中青山青桂叢高

人多愛靜歸路大應同罷吏方無病因僧得解空新

詩勞見問吟對竹林風

姚武功集

姚合贈張籍太祝
妙絕江南曲淒涼愍女詩古風無

手敵新語是人知飛動終由格工夫卻過奇儒書參

雜卷樂府撰歌詞李白應先拜劉楨必有疑貧須君

子救病合國家醫野老開山俗鄰僧與米炊甘窮辭

聘幣依選授官資多見愁連曉稀間債盡時聖朝文

墨盛太祝獨低眉

姚武功集

唐賈島投張太祝
風骨高更老向春初陽葩泠泠月

下韻一一落海涯有子不敢和一聽千嘆嗟身臥東

北泥魂挂西南霞手把一枝栗往輕覺程賒水天朔

方色暖日嵩根花達閒幽棲山遣尋種藥家欲買雙

瑤瑤慙無一木瓜

長江集

賈島攜新文謁張籍韓愈途中成
張韓老青竹未生翼一步萬里道
壓我腦失卻終南山惆悵滿懷抱
安得西北風身願
變蓬草地祇聞此語突出驚我倒

長江集

賈島題張博士新居青楓何不種
林在洞庭邨應為
三湘遠難移萬里根斗牛初過伏
菡萏欲香門舊即

湖山隱新廬昔此原

長江集

賈島宿姚合宅寄張司業籍閑宵
因集會柱史話先
生身變無一事心期往四明
松枝影搖動石磬響寒

清誰伴南齋宿月高霜滿城

長江集

賈島哭張籍精靈歸恍惚石磬韻
會間即日
是前古
誰人耕此墳舊遊孤枕遠故域
九江分本欲蓬瀛去

餐芝御白雲

長江集

賈島酬張籍王建疎林荒宅古陂
前久住還因太守
憐漸老叟息溪處隱多閑數得
上方眠鼠拋貧屋收
田日鴈度寒江擬雪天身事龍
鍾應是分水曹芸閣

枉來篇

長江集

唐牟融贈張籍舊日儀容只宛然
笑談不覺度流年
凡緣未了嗟無子薄命能孤不怨
天一醉傻同塵外
客百杯疑是酒中僊人生隨處堪
為樂管甚炆香滿

鬢邊

全唐詩

唐朱慶餘賀張水部員外拜命省中官最美無似水

曹郎前代佳名遜當時重姓張白髭吟麗句紅葉吐

朝陽徒有歸山意君恩未可忘

全唐詩

朱慶餘上張水部出入門闌久兒童夾有情不忘將

姓字常說向公卿每許連牀坐仍容竝馬行恩深轉

無語懷抱甚分明

全唐詩

朱慶餘閨意上張水部洞房昨夜停紅燭待曉堂前

拜舅姑妝罷低聲問夫婿畫眉深淺入時無

全唐詩

唐權德輿哭張十八校書

原注數日前辱書未及還畲俄承凶訃

芸閣

為郎一命初桐州寄傲十年餘魂隨逝水歸何處名

在新詩眾不如蹉跎江浦生華髮牢落寒原會縈車

更憶八行前日到含悽為報秣陵書

權文公集

唐項斯畱別張郎中省中重拜別兼領寄人書已念

此行遠不應相問疎子城西竝宅御水北同渠要取

春前到乘閑候起居

全唐詩

唐釋無可哭張籍司業先生抱衰疾不起茂林間夕

臨諸孤少荒居弔客還遺文禪東岳畱語葬鄉山多

雨銘旌故殘鐙縈帳閑樂章誰與集壠樹即堪攀神

理今難問子將叫帝關

全唐詩

唐杜牧寄內兄和州崔員外十二韻歷陽崔太守何
日不含情恩義同鍾李原注李膺鍾瑤中外兄弟少相友善壘篋實弟

兄光塵能混合孽畫最分明臺閣仁賢譽閨門孝友

馨西方像教毀南海繡衣行金橐甯迴顧珠簾肯一

棖祇宜裁密詔何自取專城進退無非道徊翔必有

名好風初婉軟離恩苦縈盈金馬舊遊賢桐廬春水

生雨侵寒牖夢梅引凍醪傾共祝中興主高歌唱太

平樊川集

牧之和州絕句云歷陽前事知虛實高位紛紛見
陷人似為崔雍發雍由起居郎出為和州刺史應
即此詩所云崔員外前詩第二語云牛渚
山邊六問津當由與崔姻戚故數至和百

南唐徐鉉寄和州韓舍人急景驥驥度遙懷處處生

風頭乍寒暖天色半陰晴久別魂空斷終年道不行

殷勤雲上鴈為過歷陽城全唐詩

按此當寄韓熙載韓初入吳為和州從事後元宗
係大五年復為和州司馬題稱舍人當由知制誥
貶司馬時也

徐鉉送王監丞之歷陽歎息曾遊處江邊故郡城青

襟空皓首往事似前生綠綬君重縮華簪我尚榮年

衰俱近道莫話別離情全唐詩

徐鉉送和州張員外為江都令經年相望隔重湖一

旦相逢在上都塞詔官班聊慰否埋輪意氣尙存無

由來聖代憐才子始覺清風激懦夫若向西岡尋勝賞舊題名處為躊躇全唐詩

徐鉉江舍人宅筵上有妓唱和州韓舍人歌辭因以寄良宵絲竹偶成歡中有佳人俯翠鬢白雪飄飄傳樂府阮郎憔悴在人間清風朗月長相憶佩蕙紉蘭蚤晚還深夾酒空筵欲撤向隅惆悵鬢堪斑全唐詩

歷陽典錄卷三十一

歷陽陳廷桂子犀纂輯

藝文八

詩

宋楊億歐陽使者監和州軍原注父以老病出為和州團練副使因上言求

侍親乃新剖牙璋出護軍使車歸養指江濱綵衣楚

國老萊子白首長安萬石君虎眼波狂征棹急鱸魚

膾美壽杯薰東南極目無氛禩不假橫戈看陣雲武夷

新集

宋歐陽修贈杜默南山有鳴鳳其音和且清鳴於有

道國出則天下平杜默東土秀能吟鳳皇瞽佗詩幾
百篇長歌仍短行攜之入京邑欲使眾可驚來時上
師堂載拜辭先生先生領首遣教以勿驕矜贈之三
豪篇而我濫一名杜子來訪我欲求相和鳴顧我文
章卑未足當豪英豈如子之辭鏗鏗間鏞笙淫鼂俗
所樂百鳥方嚶嚶杜子卷舌去歸山翩以輕京東聚
羣盜河北點新兵饑荒與愁苦道路日以盈子盍引
其吭發聲通下情上聞天子聰次使宰相聽何必九
苞禽始能瑞堯庭子詩何時佗我百久已傾願以白
玉琴寫之朱絲繩

歐陽文忠公集

宋司馬光泉水詩送吳都官

原注太元字一翁

分司歸和州

集傳家

宋石介三豪詩送杜默歸歷陽

原序本朝八十年文人為多若老師宿名

不敢論數近世佗者石曼卿之詩歐陽永叔之文詞
杜師雄之歌篇豪於一代矣師雄學於子辭歸歷陽
佗三豪詩曼卿豪於詩社壇高數層永叔豪於辭舉
以送之

世絕儔朋師雄歌夾豪三人宜同稱曼卿苦汨沒老
死殿中丞身雖埋黃泉詩名清如冰永叔夾連寒病
鸞可騫騰四海讓獨步三館最後登師雄二十二筆

距猶如鷹才格自天來辭華非學能迴顧李賀輩麤俗良可憎玉川月蝕詩猶欲相憑陵曼卿苟不列其才堪股肱永叔器甚閎用之王道興師雄子勉旃勿

使生驕矜祖徠集

宋僧惟鳳送史館李學士任和州歷陽南望極岸遠石城危太夢驚潮斷行吟見鴈隨淮帆向風闊楚水落焮遲到日應閒臥公心帝自知宋詩紀事

宋梅堯臣送知和州杜挺之桐花欲開時羣噉爭哺兒但求黃口飫焉問丹穴飢常山有四鳥將飛昔已悲中間忽殞逝豈得安其枝一飲必屢顧每啄必遲

遲今朝竟矯翼太向江之濬銜芹不自食欲遺孤與雌此義實已重莫為臬所嗤世俗多嫌忌我胡為此詩此詩美孝弟持贈杜挺之宛陵集

梅堯臣送陳郎中知和州藹藹尚書郎出為二千石伯父歷將相兄弟皆烜赫前罷永嘉守民俗遮阡陌獨將海松歸夸與都下客今公烏江邊寂莫空舊跡當求虞姬草臨風舞隨拍城頭可曠望千里波月白但佐使君歡平時遷吏責宛陵集

梅堯臣杜和州寄新醕淮南寄我玉醕酒白蚶海月君家有欲持就味明月期窮羹易覆已反手從事開

筵不可辭燕脂香臉羅前後長頸善謳須臾謔只愁
老來歡易休宛陵集

梅堯臣至靈璧於許供奉處得杜挺之書及詩去冬
過尋歷陽守江沙半遮當利口口頭沙蹙浪如山浦
激排舟負貫柳卻畏浪高難苦畱間解符時來不久
平明挂席入揚州主人釀成百斛酒酒上玉蛆如笑
花一日倒空罌與缶主人丈與君舊友請我遲君同
聚首清明君果渡江至與君繼舳曾無負過淮風緊
到洪澤使人助我如臂肘暮春泝汴汴流澀自假輕
航衣如禿千憂萬阻經靈璧畱書津吏情何厚副之

佳句二十言文昌光芒夜侵斗平時相卹似此稀緩
急求之難要
有風牽日晚望符離水館野亭能駐不
葛巾輕服欲登步蔥曠冷淘誇甚滌書中不說王平
甫應又先行君在後我今趁君君趁王趁入大梁須

執手宛陵集

梅堯臣送周直孺祕校和州都曹箭頭破賊棄不為
筆端射策取桂枝殿角脫裒改舊色庭下折腰甘去
時歷陽郡小太守好督郵官閒眾吏嬉江邊竹園嘯
竹雞竹裏種花春過遲東望望天雲腳垂煙雨隔岸
風檣欹溼鴈不起沙上漸君息歷亂如盜絲宛陵集

梅堯臣送弟赴和州幕夾河為郡不如古江北江南
佗冗官須記嘗傳一經訓雖貧莫改飲瓢歡歷陽况
與吾廬近春穀休言問膳難此日停舟聊舉酌明當
水驛自加餐宛陵集

梅堯臣歷陽過杜挺之遂約同入汴滄海瀉玉自天
外牛斗傍邊客正迴人說維摩居士病我同王子雪
舟來汀沙沮洳潮新落山日曛曛霧始開衣約河隄
春柳動與君吹紫步徘徊宛陵集

梅堯臣送張生還和州山頭孤石望來久天外行人
今獨歸藥囊自有留生術不管淮南木葉飛宛陵集

王荆公集有贈張康詩康歷陽之和緩也此云藥囊自有留生術殆即其人

梅堯臣送林大年殿丞倅和州和靖先生負美才族
孫今似漢庭枚敗亾項籍江邊廟應魏文場戰勝來

宛陵集

宋林逋和朱仲方送然社師無為還歷陽歸路過東
關行行一錫間破林霜後月孤寺水邊山頂笠衝殘
葉腰裝歇暮灣香鐙舊吟社清息逐師還林和靖集

按師名希然能詩

林逋和西湖霽上人寄然社師竹下經房號白蓮社
師高行出人天一齋巾拂晨鐘次數禮香鐙夜像前

暝日幾閒松下月淨頭時動石盆泉西湖舊侶因吟
寄憶著溪峯萬劫年林和靖集

林逋和陳湜贈希社師瘦靠闌干搭梵襟綠荷階面
雨花溪迢迢海寺浮杯興杳杳秋空放鶴心齋磬冷
搖松吹雜定鐙孤坐竹風侵鏘然更有金書偈祇許

龍神聽靜吟林和靖集

林逋歷陽寄金陵衍上人蘇暈莎叢古石房寺和松
竹背秋岡騷吟未斷雲生褐梵偈重開月照香五老
舊遊應悄默六朝閒事肯悲涼西州獨客心搖甚抹

碧江天鳥一行林和靖集

林逋送馬程員外之任烏江空色青蒼寒日明遲遲
攜手出柴荆長貧少得交遊者漸老不禁離索情
路浦帆當晚落到官江草已春生州監縣尹多才識

當念吾宗負大名林和靖集

林逋送然上人南還遠攜琴譜與詩稿寄臥船窗一
榻深莫向雲中認江樹等閒驚起故園心林和靖集

宋王安石贈張康管在歷陽時得子初江津手中紫
團參一飲寬吾親捨舟城南居杖履日相因百口代
起伏呻呼聒比鄰叩門或夜半屢費藥物珍欲報恨
不得腸胃盤車輪今逢又坎坷令子馳風塵顛倒車

馬間起先冰雪晨嚙我十五年得祿尙辭貧所讀漫
累車豈能蘇一人無來愧子義有施媿子仁逝將收

桑榆邀子寂莫濱

臨川集

王安石示耿天隲挾策能傷性捐書可盡年弦歌無
舊習香火有新緣白土長岡路未明小洞天望公時

顧我於此暢幽悃

臨川集

王安石留題和州曲弋益山巧與天成未覺殊國工
施手豈須災根連滄海蓬萊闕勢壓黃河砥柱孤坐
上煙嵐生紫翠影中樓閣見青朱為山觀水皆良喻

誰向君家識所趨

臨川集

王安石與耿天隲會話邯鄲四十餘年夢相對黃梁
欲覲時萬事祇如空鳥迹恠君強記尙能追

臨川集

宋蘇軾送錢藻出守婺州老子僂劇郡高懷厭承明
聊紆東陽綬一濯滄浪纓東陽佳山水未到意已清

過家父老喜出卮壺漿迎子行得所願愴恨居者情
吾君方急賢日吁坐邇英黃金招樂毅白璧賜虞卿
子不少自貶陳義空崢嶸古稱為郡樂漸恐煩敲撻

臨分敢不盡醉語醒還驚

蘇文忠公集

蘇軾送呂希道知和州去年送君守解梁今年送君
守歷陽年年送人佗太守坐受塵土堆胸腸君家聯

翩三將相富貴未已今方將鳳雛驥子生有種毛骨
往往傳諸郎觀君岬鬱負奇表優台劍佩趨明光胡
為小郡屢奔走征馬未解風帆張我生本自便江海
忍恥未去猶徬徨無言贈君有長歎美哉河水空洋
洋蘇文忠公集

蘇軾沈諫議召游湖不赴明日得雙蓮於北山下作
一絕持獻沈既見和又別作一首用其韻湖上棠陰
手自栽問公更得幾回來水僊亦恐公歸去故遣雙
蓮一夜開 詔書行捧縷金牋樂府應歌相府蓮莫
忘今年花發處西湖西畔北山前蘇文忠公集

按沈立字立之州人時以諫議大夫知杭州

蘇軾和沈立之畱別二首而今父老千行淚一似當年
初去時不用鐫碑頌遺愛文人清德畏人知 臥
聞鐃鼓送歸艎夢裏忽忽共一觴試問別來愁幾許
春江萬斛若為量蘇文忠公集

宋蘇轍送錢婺州純老桃花汴水半河流已從南行
第一舟倦報朝中言嘖亂喜聞淮北艣咿叻平時富
策詞無枉此去為邦學更優自古東陽足賢守請君
重賦沈公樓樂城集

宋曾鞏送沈諫議東南經濟得時英方底除書下漢

庭將幕鼓旗驚白晝諫垣冠劔動青冥指搗甌越歸
談笑鎮壓江吳出醉醒金鼎鹽梅須大用九霄應已

夢儀彤元豐類稿

宋賀鑄罷官有期寄懷歷陽朋好迅雨蕩闌暑層飈

披滯雲澄川繚楚甸新陽麗焮旻物候豈不嘉中懷

愴離羣親朋滿城邑繫滯此江濱及瓜信匪遙遂任

河梁分何人具供帳樽酒展殷勤一聆雪兒歌載悽

遊子魂津鼓警朝夢渚煙生夕曛所悲紫蘭纓復霑

京洛塵春風有歸鴈報我相息文慶湖集

賀鑄畱別龜山白禪老兼簡楊居士介原注癸酉十一月癸巳朔

風下淮晚次龜山白禪老見臨乃歷陽之舊也因賦此詩以別沙尾望龜山人煙了

可數長淮斷日風浩若千里阻舟無百石載兩腋憂

雙櫓鷁首盪積波中流幾翔舞維梢迫暮曛坎坎禪

林鼓曳錫辱來過依然識睂宇青熒燈火畔再得親

軟語多慙晚間道忠義夙自許剛腸憤激際赤手搏

豺虎過壯纏百痾餘生託兒乳羸軀假緩死豈復勝

冠組會約子雲孫西岩兩庵主慶湖集

賀鑄舟次金陵懷寄歷陽王掾相原注王字元胥昨時江北

望江南把酒離愁已不堪今夜江南望江北抵掌清

談安可得歷陽白下非吾鄉官身俗眼禁人狂後日

扁舟更西去江北江南兩何處慶湖集

賀鑄送張商老西上原注張名夢臣吳郡人己巳九月歷陽賦霧氣斂陂

澤鼓聲催客航兼葭靡宿鷺鶴盤朝陽行役自茲

遠離愁安可忘黃華一樽酒何處望吾鄉慶湖集

賀鑄金陵寄懷歷陽王掾征虜亭邊路望夫山下舟

長江不隔夢明月只供愁促席歌塵斷閒窗醉墨畱

惱芳橋畔柳誰繫木蘭舟慶湖集

賀鑄辛未龍興節日懷歷陽王掾元胥原注昨歲是日余解舟渡

江昨歲東谿口扁舟欲下江伴愁燈映幔欺睡月侵

窗漫寄書連紙誰同酒一缸何當見之子聊使我心

降慶湖集

賀鑄畱別王掾元胥之子貫東牟青衫試宦遊願非

小賀比爽自阿戎流未即芸香拜俄先瓜戍殊孤蓬

別友恩霜月滿滄洲慶湖集

賀鑄送畢平仲西上原注畢字遵直庚午五月歷陽賦吟鞭西指鳳

皇州好趁華年訪咎遊新樣春衫裁白苧舊題醉墨

滿青樓鳴鼃雨細生梅潤颺燕風高報麥秣須念江

邊桃葉女定從今日望歸舟慶湖集

賀鑄晚泊長蘆有懷歷陽金陵朋好犀照亭邊兩艚

催鳳棲臺下片帆開龍盤虎踞行遠矣牛渚雞籠安

在哉無端鞍馬三年役有意尊鱸異日來樽酒故人

誰待我故應風日尚徘徊慶湖集

賀鑄寄別僧芝原注吳僧濃芝字曇秀姓錢氏戊辰九月邂逅於烏江湯泉佛祠將為京

都之遊既相別不見江南湯惠休芝錢今也嗣風流

馬上賦此以寄燒香弄筆一生事躡屐佩囊千里遊乞酒未還黃菊

晚擬詩初就碧雲秋臨高跋馬君行矣從此安期始

欲愁慶湖集

賀鑄晚泊三山懷古兼寄歷陽朋遊三山春水拍江

流六代餘風掃地收破國龍驤復安在賦詩宣城難

與酬傷心遠宦北宗老滿眼舊遊南豫州寄聲好住

數君子一別相忘風馬牛慶湖集

賀鑄與張歷陽追懷從禽之樂因賦宜秋門外蒼鷹

坊好草坡頭射雉場油幕氈廬張野飲錦袞貂帽結

戎裝興闌落日黃塵斷夢後西風白髮長誰念江湖

獨流寓此情難話與渙郎慶湖集

賀鑄戲畚張商老揚子江頭兩信潮送君西去木蘭

橈依依暮雨鴛鴦夢嫋嫋春風荳蔻梢細字碧箋隨

鴈到小簾朱戶抵天遙長安觸緒牽情地不特魂銷

骨夾銷慶湖集

賀鑄放舟下江畱寄王元胥檜楫淹畱已涉旬小窗

猶得酒相親寒潮不應谿流澀病客未行舟予噉揮
手僂分今夜月斷腸先見隔江春鳳皇臺上長回首
何處高城與故人

慶湖集

賀鑄送歷陽潘司戶瑤移令歸東魯衰俗紛紛務近
功幾人心跡與君同低徊州縣青衫列踴躍聖賢黃
卷中牛渚江山空夜月河陽桃李再春風相望魯衛
無多遠異日能尋賣藥翁

慶湖集

賀鑄再送潘仲寶風雨扁舟卒少留為君持酒話徐
州白魚紫蟹爍初美戲馬飛鴻夢屢遊二阮年來知
健否季真老矣盡歸休白雲莊畔多閑地不惱橫刀

直換牛

慶湖集

仲寶當係瑤字

賀鑄示王泌

原注王歷陽之舊也相別八年會於鄂渚憐子衰病因以示之

違離南

北幾星霜短髮蕭蕭帶尺長執戟郎何官落拓楚邱
生觸緒悲涼雙鳧乘鴈誰比數拉虎批熊猶健強端
恨養疴妨廢酒樽前都屬箇儂狂

慶湖集

賀鑄歷陽題贈芥堂老僧遇來歲計江邊二頃田不
能多應世間緣閉門密竹荒松裏杯粥鑪香六十年

慶湖集

宋余靖送凌屯田知和州粉署僊郎守一麾都門別

岸柳依依定知春雨隨車到且喜秋風破浪歸仁政
優當聞虎渡歡聲猶在隔牛磯儂今大懇懷章請假

道江鱸買正肥歷陽遺音

宋李彭徐明叔競校書篆筆奇古復作丹青為予作

漢江暮靄扇材極妙力求鄙句作此以贈曩時徐騎

省篆古逼秦相後來得仍孫毫端溟渤壯能回頓挫

姿丹青生意匠餘酣寫優面萬里煙莽蒼何許捕魚

郎落日蕩雙槳無勞翦吳淞安用置壘嶂真欲老是

閒塵境孰非妄憐君俱入妙簡遠復清曠定為造物

曠覓句聊分謫宋詩紀事

宋邵祥正中秋泛月至歷陽訪太守孫公縈中秋拏

輕舟西泛采石月初疑濯碎冰壺冰又如飛度雪山

雪若非身世出塵寰底事清光透毫髮宏謝尚久

磨滅含情欲就何人說歷陽太守孫公縈竹冒寒霜

松屈鐵管從赤縣守儀真再主天門請符節紫皇詔

長雞籠山惠浹春陽威凜冽開倉出粟調民飢夾戶

不局無竊發咄哉此事安足論斯人自養班夔契且

聞兵廚醞濃酒桂子秋香月中有請君置我三百杯

我為君吟一千首鑪鎚七竅完混沌能使頽齡遂長

久飢橫鏝鉶鱸鯨肉渴飲明河傾北斗憑誰為問陶

淵明胡為種菊仍栽柳豈如永夜無纖雲江光月色
鋪黃銀喚取三千珠履客陶然一飲情無垠劉項輸
贏亦安在笑殺今宵月下之醉人

青山集

邵祥正送錢賢良醮老
去年六月梓山裏與余披襟
弄泉水高譚直出堯舜前長林為我清風起金船滿
滿傾醕醪吳姬玉指拈櫻桃君今勸我盡百棗肝腸
但覺翻江濤醉來騎白鹿大笑還青山倏忽歲月往
恩君鬢成斑今朝邂逅蕪江頭論心握手忘離憂暫
時會合復言別安得彈劍從之遊我聞紫微薦君策
男兒事業豈易得金門慎弗閑經過為奏天下弊穴

如蜂窠

青山集

邵祥正城西阻雨寄純父太守
三春復佗歷陽遊傾
聽高譚洗我憂已出重城望賓榻暗天風雨泊孤舟

青山集

宋韓駒
去冬除守歷陽未上召還西掖今夏白應天
尹移知齊安道由歷陽珪老相訪奉簡一首嘗聞歷
陽郡寺有窳禪山及我分竹符欲往窮躋攀驅車發
半道尺一喚我還歎息巖下水何時照衰顏復持齊
安節稅駕臨通闌屬有行役累無由叩僧關珪公岷
峨秀逸韻超人寰攜詩遠過我殷勤復加刪少年意

氣盛笑我老髮斑
夜話不知寢起看江月
彎浮生浪擾擾萬濶
本自間為吏何足論
逝將老榛營買山未
及議我實貧非慳奉
乞一庵地往來泉石
間陵陽集

韓駒送王祕閣二首
烏衣諸王吾蚤聞
晚塗獨識和

州孫風流踏拖欲垂
盡文采陸離今尚存
奉祠乃是

衰翁事如君胡為大
為此僕夫在門君疾
驅往獻天

子平邊書 右軍池頭
鶴鵠呼康樂臺下
移檉疎碧

山學士此築屋白髮
幘人來卜居身隨沙
鷗臥煙雨

十年無書上公府
枉佗西班老從臣
看君才華不能

舉陵陽集

宋鄒浩示長卿一別
和州二十年山長水
闊衣無緣

因君說起外家事
特地闌邊心悵然道鄉集

宋徐璣送劉和州揚
旌遙指歷陽城霜淡
晴天鼓角

明步騎打圍秣草綠
舳艫傳唱曉江平
岸分南北人

煙近地控東南羽檄
清牧守只今非易
予九天淵默

待盈成二薇亭集

宋朱翌送山芥與徐
稚山北風撼坤軸飛
雪封高崖

萬草坐凍死不復
存根芟蔚然蒼山底
有此紫玉釵

本無塵土侵甯慮
霜霰埋偶為樸牧
知遂與薇蕨偕

堅瘦故耐久苦森
終怒俳未免一時
出肯事眾口諧

可以寄樂天時供八關齋可以送庾郎三九代會鮭
朱門厭燁燭嘉疏日誰差飛觴失行次可口相推排
爾來走餅鬻遂費登山鞅文昌列宿光騎省後人佳
居官乃退步養氣能實骸一箸須子同苦硬求吾儕

潛山集

按稚山名林

宋孫覲歷陽通守張文舉輓詞六雄唐別駕一乘漢
題輿自笑儒冠誤誰能刺繡如彤幘方首路畫翼已
隨車悵望城南陌哀歌泪滿裾

鴻慶集

宋劉宰送張端表主含山簿計利無非利辭難枉佗

雞驅車平路太高枕此心安縣小勾稽易時危賦斂

殫好禱千慮失可使百憂寬

漫塘集

按端表名汝永

宋張孝祥次家君韻二首
禘工立雪松壽不彫寒
筆底波瀾壯胸中宇宙寬
登車慵攬轡投檄願休官
四海英名滿懸知覆手難
憶管金門直通宵玉殿
寒風雲黃道近日月太虛寬
灑錦羅千仗宮花覆百
官江湖歲將晚未覺報君難

于湖集

張孝祥送仲子弟用同之韻
淒然鴻鴈影歲晚索衣
裘惜別滄江夜歸程楚甸
秋極知違定省不敢更淹

留明月分攜處無人只是愁于湖集

張孝祥郡侯遣騎至山中饋名醞輒呈長句用黃宰

韻山前山北雨生寒竹樹風煙蒼莽閒青壁倚天原

未見白衣送酒故相關共追蓮社公應許穩上籃輿

我欲還後日再來拚一月細扶藜杖覓巉巖于湖集

張孝祥和曾裘父韻送老人赴鎮江邊箭收聲海不

波廬山高處與天摩向來只作青蛙計此去無如紫

詔何鯨起江濤煩翦拂經餘蓮社更磋磨文成本自

籌帷幄不擬黥彭戰伐多于湖集

張孝祥和總得居士康樂亭韻氣格稜層壓大千塵

翳遠盡息翛然龍門不障洪河決喬木終隨故國顛

柳下煨工真得道竹林酒友漫稱賢先生義概雲天

薄千載參渠活句禪于湖集

張孝祥過昭亭哭二弟墓陌上春風久已歸墓頭衰

草正迷離白頭未拔三年泪黃壤長埋短世悲憶管

追游曾竝轡祇今獨往更題詩兩兒二弟俱冥漠願

影伶俜欲語誰于湖集

張孝祥和家君韻寄舅氏夷齊之清格鄙頑孳孳盜

蹶何曾閒空齋風定香縷直但有書冊猶相關于湖集

宋朱熹題張紫微敬簡堂煌煌定方中農隙孟冬月

君侯做齋屏華榜新未揭我來適茲時次有大夫焚
清觴不畱行晤語得超越更看雷雨勢翻動龍蛇窟
襟懷頓能舒肝膽次已竭老僊來何方湖海氣啤呶
君侯斂袂起顛倒承履鞮坐人驚創見引公殊卒卒
伊余不忍逝頓首願有謁人生均秉彝天造豈停歇
云何利害判所較無一髮茲焉辨不蚤大本將恐蹶
吾言實自箴君聽未宜忽文公全集

宋熹題可老所藏徐明叔畫卷羣峯相接連斷處
雲起雲起山更深咫尺愁千里文公全集
宋張維畱守舍人張公安國間維築亭為題其榜曰

朝陽既去而亭成復為賦詩次韻日邊清切以文鳴
立對朝陽欲問程筆落春生變寒谷詩來將喜破愁
城檐前水到乘槎便天際山橫與檻平準擬公歸道

過此小畱觴詠集冠纓宋詩紀事

宋陸游送張野夫寺丞牧滁州皇天方憂九州裂建
隆真人仗黃鉞陣雲冷壓清流關賊壘咿嚶氣如髮
逋誅猗虜入檻車北風吹乾草頭血一龍上天三百
年舊事空間遺老說金印斗大誰佗州公子玉面蒼
髯蚪賦詩健筆挾風雨論兵辯舌森戈矛別君帳飲
灞橋頭長歌為君寬旅愁戰場遺蹟儻可畫尺縈寄

我關河秋劍南集

野夫名同之

陸游題徐子禮宗丞自覺齋末俗紛紛只自謾惟公

肯向靜中觀閒看此事從何得正自它人著力難茶

飄松風生石鼎香殘雲縷繞蒲團江湖多少癡禪衲

踏破青鞵覓話端劍南集

子禮名葢競從子

陸游題張野夫監簿大招圖此生只合老漁樵扶病

誰令趁蚤朝開卷未終三太息羈魂零落恐難招劍南集

集

宋張鑑次韻奉酬張野夫見贈謀身堪笑若春鋤甃

社棲寒水滿湖近寺偶成蓮社侶為園非效輞川圖

清樽酒好息中聖古塚珠存念大儒久矣自來無所

用喜君能好柏楸株南湖集

歷陽典錄卷三十二

歷陽陳廷桂子犀纂輯

藝文九

詩

宋張栻安國晚酌葵軒分韻得成字桐花三月寒風
 雨滿江城使君晚被酒千騎過友生名談宿霧捲逸
 氣孤雲橫運斤看翰墨笑語皆詩成人物有如此吾
 輩賴主盟更呼南鄰客共此樽酒傾愛我庭下竹頭
 角方崢嶸永懷冰雪姿甯復世俗情新篇一湔祓凡
 木不足程願言謹封植歲晚長敷榮

南軒先生集

張栻陪安國舍人勞農北郊分賦得闌字寒收花尙
瘦風靜江不湍元戎肅千騎歷覽無畱難好景要徐
出微雲故遮闌惟春布嘉惠公豈樂遊觀龐翁八十
老扶杖來蹢躅公年卒一稔何以報長官酌酒公自
勞得無有愁歎嗟哉三章約所資簡且寬黃堂載清
靜自覺井里安須公出妙語茲遊記不刊
南軒先生集
張栻安國置酒敬簡堂分韻得柳暗六春字桴鼓息
荒邨襪襖盛南畝永日省文書呼客共樽酒主人出
塵姿宛是靈和柳行歸帝所遊此地豈淹久
公臥
百尺樓餘子可下瞰我每奉談塵汲古得溪揆身外

皆可除此道要無憾從渠梅雨天陰晴遞明暗
公

憎孔壬面恠石乃寓日爽堂發溪藏林立驚滿屋我
夾苦嗜此一見下風伏何當載而歸妙策三十六

堂下列絲竹堂上娛嘉賓相看夜未艾樂此笑語真
風流今屬公我輩多逡巡文章千古意翰墨四時春

南軒先生集

張栻和張晉彥遊嶽麓齋舫凌煙浦雲屏入畫圖日
烘花炫晝風定水明湖布穀催春種提壺勸客沽湘

中無限景賦咏繼三都
南軒先生集

張栻喜雨呈安國望歲民心切爲霖帝力均崇朝變

炎暑舉日盡清新坎坎連郵鼓熙熙萬室春北窗涼
枕簟安穩到閑人

南軒先生集

張栻和安國送茶官焙蒼雲小臥龍使君分餉自題
封打門驚起曲肱夢公案從今又一重

南軒先生集

張栻喜雨呈安國四首懸知雨意未渠已一夜簷聲
到枕間曉上高樓望雲氣蟄龍千丈起西山蚤秧

出隴蠶已絲眼中一雨正垂垂農家辛苦渠能識請

誦周公七月詩向來惻怛哀矜意便覺雨滿乾坤

間城東大士甯關汝民倚邦侯如泰山凉生椽筆

試烏絲妙語便佗星斗垂我大小窗無一事細傾新

酒和公詩

南軒先生集

張栻有懷安國若人別去已經秋卻見山間翰墨畱

獨對西風開望眼試從雲際辨荊州

南軒先生集

張栻和張荊州所寄自古荊州通陸海祇今學士選

青錢笑談坐了安邊策取次成詩盡可編詩來千

里佗春妍尙記城南五畝園豈但苔痕畱屐齒故應

石上有窪罇有時幟策過西鄰共向東風憶故人

芙蓉亭下池水滿敬簡堂前楊柳春鍾陵未命千

里駕洞庭丈繫沙邊舟閉門讀書臥歲晚世事敢云

風馬牛明時未可廢談兵壯歲甯容便乞身何人

為向沙頭公憑仗慙慙一問津

南軒先生集

張栻福巖讀張湖南舊詩茲遊奇絕平生事只欠瀛

僊冰雪姿元是經行題品地卻從山際誦新詩

南軒先生集

集

宋范成大清江臺在臨郡西岡上張安國題榜南來

富壽岡春勝此蟠結岑嶢戴南臺欄檻了風月蕭灘

曳長煙貝闕炯殘雪江流當帶橫練練浮木末天風

來無鄉萬里吹醉纈登臨信奇事忍凍大癡絕故人

春夢覺遺墨烁蛇掣浮雲真可哈揮觥酌空闊

石湖集

范成大次韻龔蒼正中烁無月三首詞客幕天清露

下老翁臥病破窗中高吟大醉輸公等不見嫦娥與

我同 公年恠雨無端甚今歲癡雲火復然減卻新

詩酸卻酒乘除添得一更眠 丙夜清光些子見兒

童驚喜強雄夸闌珊高興應無幾恰似春殘半落花

石湖集

宋楊萬里謁張安國帝苑花濃記竝遊萬人回首看

鰲頭也知旬月應顛面已逼雲霄又作州別後聞公

非故我學林著腳到前修登門猶說同年話未覺紅

鸞映白鷗

誠齋集

宋岳珂三塢寺寒光亭張于湖書詞寺柱吳毅夫命

名後軒竹裏逢僧院殘碑不記年
鴈題三宰堵龍化兩魁躡寶正號空
紀元豐墨尚鮮寒光定何似誰放
五湖船雲煙千嶂遠風月四時新
笠澤笳魯望鏡湖今季真何時脫
塵絆來此寄垂綸一艇葦間宿寒
光長是鄰

王楮集

宋王十朋悼張安國舍人天上張公子
少年觀國光

高名一枝桂遺愛六州棠出世纔成佛
修文遽佗郎

長沙屈賈諠宣室竟淒涼

梅溪集

宋董道輔紹熙庚戌中焮後三日拜于湖
先生墓曉出白門下疲馬踏焮色鍾山度
蒼翠慰我遠遊客暮

投清泉寺花草獻幽寂長廊靜無人
落日照東壁平生張于湖萬里去一息
翩然九州外汗漫跨鯨脊乾

坤能幾時安用較顏跖文章失津梁
所念斯道厄夜

闌臥不寐搔首聽蕭瑟懷人感西風
翁仲守孤陌

景定

建康志

此詩于湖集佗沈約之按景定建康志董道輔佗董武陵人于湖門人正之

宋沈端節挽于湖荒城難訪十全醫
半篋遺書世共悲甯有故人憐阿
鶩但餘息女似文姬忠籌屢畫平
戎策宦蹟常畱墮泪碑醉扣西州
重回首山陽鄰笛夜淒其氣概凌
雲賦敢先中興事業冠英躡朝廷

議論一言定翰墨風流四海傳
恰跨鼇頭升紫極忽騎箕尾上青天
竹林嘯傲今陳蹟撫觀江皋涕泣然

于湖集附錄

二詩從于湖集錄出原書沈約之按宋沈端節字約之曾令蕪湖官至朝械大夫著有克齋詞一卷約之乃字也為改書名

宋施士衡挽于湖湧泉詞筆坐中驚天付斯人以道
鳴獨步蟾宮丹桂選馮毫綸閣紫微清絕絃慟哭人
琴喪埋玉淒涼柱石傾一見那知成永別重來天路
問騎鯨十年帥鉞倦馳驅適意方謀一壑居賈誼
有才終太傅辭收無壽處中書傷心風月江山古過

眼光陰夢幻虛紅紫飄零春色盡後彫松柏獨蕭疎

于湖集附錄

宋王阮謝張安國相過元戎驅小隊來赴野人期山
靜傳呼遠風輕遊賞宜飛蘿穿杖履芳草煥旌旗好

俗絲綸手雕鐫一小詩義豐集

王阮弔于湖先生碧紗籠底墨纔乾白玉樓中骨已
寒淚盡當時聯騎客黃花時節獨來看義豐集

宋僧道璨賦贈張寺丞樗寮樗寮先生千載土草木
有誰同臭味外無刀斧劘削痕中有冰霜不老氣紅
紫紛紛滿上林我自無心趁桃李蘇秦張儀自縱橫

寵辱不驚魯連氏梁棟峩峩入阿閣我自無心為杞
 梓杜喬李固白黨鋼網羅不及徐孺子故家喬木百
 世陰有此孫枝能蔽芾落公英華植本根深培不朽
 聖賢事犧尊青黃互翻覆眼看世事如醒醉願言善
 保邱壑姿畱取清風在天地柳塘外集
 僧道璨禱寮生日長庚流輝千丈強斗南夜氣浮耿
 光晉唐以前舊人物翩然乘風下大荒平生厭官不
 夔做自歌招隱山中住後園明月手自鉏多種山前
 老梅樹歲寒心事梅花清蒼浪白髮梅花明有時梅
 花對客道此是我家難弟兄上國春風醉桃李過眼

絲絲付流水禁得清寒耐後霜幽獨何曾有如許今
 年枝間著子無黃金佗顙應纍纍相見日長庭院靜
 時時繞枝如哺雛摘來不用供調鼎且喚麴生相管
 領等閑一醉一千年莫遣東風吹酒醒柳塘外集

元朱德潤題張樛寮楷書飛僊墮翮堆成山堂堂楷
 灑畱人間宜官無徒梁鵠往隱鋒藏角尤為難大書
 五寸徑方丈字脊緊健力出擘八訣具全真足高不
 學謾草鸚哥嬌黃華老人在金國宋季獨數張樛寮
 似間高藝兩不下各抱地勢誇雄豪今觀張書勁且
 奇筆力欲抵三軍師吳鉤斫斷怒蛟尾瘦竹折石迴

風枝君不見庾征西何須野鶩論家雞

存復齋集

元楊載送殷國華之和州送君行李欲何如楚國蕭

條戰伐餘西塞人煙連草莽南江風浪入空虛遺民

少佗先王服故府徒存博士書舊事到今多泯滅好

從黎老問從初

楊仲宏集

明太祖皇帝御製賜征南將軍楊文詩大將南征膽

氣豪腰懸烁水呂虔刀馬鳴甲冑乾坤靖風動旌旗

日月高世上麒麟真有種穴中螻蟻欲何逃大標銅

柱歸來日庭院春風慶百勞

御製集

明汪廣洋贈歷陽令縣宰張公子能官且好文擬將

清白節報畚聖明君撫卷歌烁水揚船帶夕曛雞籠

何處是西望碧網縕

鳳池吟稿

明王克恭送黃仲文還歷陽雲物三山風景殊霜天

江上鴈來初驪歌嗚咽間新調客息殷勤夢故廬百

歲未經三萬日一身先見二毛疎如今已覩清平樂

此太山田穩荷鋤

和州志

此詩州縣志皆書王富按明史尙福成公主者爲王克恭不名富也爲改書克恭

明張羽餞送金秀才歸侍風吹歷陽樹石城悲蚤烁

高堂入遠夢拂爽登吳舟金陵官酒如乳香酌酒送

君朱雀航前日同來二三伴此時望君俱斷腸科名

古來人共羨富貴不如歸故鄉年年隨計多辛苦十
上風塵竟何補秋卷畱將篋內歸彩衣重上階前舞
當時縣令親勸行今日還家父老迎門外清谿仍可
釣山下石田躬自耕子身長健親長在黃金如山不
可買君不見長安城中罷官客欲作布衣那可得

集

靜居

明會棨同襄城伯李公被命先還南京舟中奉簡會
于玉帳識先公此日乘舟李部同雨葉金貂承雨露
三秋畫鷁駕天風謝立瞻氣堪摧敵班勇行軍屢破
戎自是將門多俊傑坐談韜略滿胸中

巢睫集

明解縉送烏江曾惟簡談天有客氣昂昂鐵笛傳家
振四方大父聲華縣日月賢孫音調泛宮商奔騰遡
漢纖騷裏玉樹崑山叫鳳皇邂逅槎山江口路動搖

牛斗燦龍光

春雨齋集

第五句疑有誤

明陳獻章送胡景濂歸含山來時春色滿長安秋鴈
聲中客又還傾蓋傻能知我嬾贈言端不爲君慳眼
前尺蠖何妨屈天上羣龍未許閒聞道慈顏今白髮
綵衣贏得舞斑斕

白沙集

景濂名澄

明湛若水送周道原易掌教之和州原序周君道原有志於學者以

乙楊掌教和州問言於子子以心性圖贈之持此以往教學之道不外是矣金陵見月送

周郎心如月圓性如光我將心性託明月隨子去照

和川陽甘泉集

明李東陽張進士鎮知含山乞詩秃筆贈此張自稱

知白之後我病蕭然不出門河橋冠蓋正雲屯新詩

寫贈聊隨俗往事追息欲斷魂爽雨江頭千疊浪春

山樹裏萬家邨河陽相業須珍重兩字箕裘不易論

懷麓堂集

明俞膺辭吳和州薦青雲有路念綿袞迢遞和州薦

剝勞下乘難追千里馬虛名空誤九方皋嵇康自信

趨時懶少室誰云索價高總使陽春能應律秋風雙

鬢已蕭騷七修類稿

膺字古章富陽人肥遯邱園正統間藩臬諸公先後薦舉不起吳和州大嘗薦之先生以詩辭之云云見七修類稿而不載吳和州之名按州志是時州刺史並無姓吳者存以俟攷

明胡松寄含山牟尹春晚多幽興籃輿到處行野人

無束縛僊吏有逢迎一飯情難忘千金報未成南山

看咫尺極目翠雲橫胡莊肅集

胡松送和陽部判同知易州鼓鞀初罷四無塵四海

歡騰捷有神易上競迎新別駕魯南遙覲太夫人謳

歌載路棠陰滿芳碧浮尊竹葉新攜取古來循吏傳
故人千里慰音塵胡莊 肅集

胡松間和守唐婺野遷陟寄贈世路交情轉覺難逢
君徧得罄餘歡不嫌懶慢無書札常得招邀共菜盤

大歷詩名知久著西京文字耐閒看政成江滸雙符
下幽谷何人伴採蘭胡莊 肅集

明朱之蕃送汪敬月任賢溪學博風洞僊巖攬勝遊
望中雲物句中收高齋梧竹滋新雨好潑春醅佐白

浮 象山遺澤居偏近龍虎糾盤毓異材振鐸待君
稱造士文光中爽起三台南還 集

敬月名沛 含山人

明馮琦家君之官和州鄉心惆悵白雲飛一問郵程
泪滿衣羈旅孤臣從此去京華遊子欲何依殘霞天

落濡須水明月江空采石磯別後幾時書信達只愁
秋盡北鴻稀北海 集

琦父名子履萬歷十三年官和州知州
明章失名寄和州唐使君江城五馬政聲揚况復詩

名擅四方才子當年稱水部使君今日繼劉郎樓臺
雲氣含春雨郡部山光帶夕陽相憶官亭飛雪夜論

文何處更攜觴歷陽 遺音

明賈章寄含山令戴彥則潘令栽花集眾芬愛君庭
草盡蘭薰屋邊樹好來鶯友門外谿清過鹿羣烏府
先生徵秀句黃堂太守索新文定知一榻眠虛室不
肯垂簾礙白雲和州志

明林章秣懷呈尤和州一自秣來後紛然百感新清
風懷刺史疎柳問行人季子游秦久相如出蜀貧此
時歸未得愁殺月如銀一自秣來後傷心那可論
阮途堪下泪楚賦欲銷魂霜白驚寒劍花黃負玉樽
此時歸未得飛夢滿江蓀林孝廉集

按尤名光被羅源人

林章歷陽樓懷尤子輝同年山繞孤城水繞邨斜陽
寂寂下平原當時對酒人何在惟有江籬綠滿門林孝廉集

廉集

明趙世顛歷陽贈尤子輝刺史漢宮題柱舊僊郎忽
地分符向歷陽五馬頓增畿輔重雙龍應射斗牛光
政餘白雪歌中滿海上青山夢裏長聖代即今收放
逐肯合才子久瀟湘歷陽遺音

明楊子廷和州節使君招飲城東樓放歌坎其擊鼓
城東隅君子有酒歌吳趨吳歌楚舞歡未畢欲醉不
醉沈西日主人為誰節細侯前驅五馬五驂驪招我

城樓摘星斗一片江山落吾手為君吸取長江杯底
乾為我椎碎江南江北山嶺岼歷陽小兒拍手笑笑
我狂客還脫冠乃知好我意莫逆太守賢哉二千石
下榻何人我自慙置孟此會君應憐置孟下榻事悠
悠栗里籃輿大可留我醉門生僂鼻公何須更別王

江州 楊道行集

明傅冠輓李襄城北瑞報國甯甘死僂休憤將三事

叱蚩尤一門肝腦塗蕪草化佗罡風觸不周 寶綸樓集

北瑞國楨字

明戴涪西園西園綠竹冷森森蟬帶餘聲過隔林書

永庭閒無一事南風吹動壁間琴 歷陽遺音

明沈壽民富戴子獨坐寡懽惊起步庭南端悠然何

所囑吾自愛吾山故人遺我書贈我古錦篇清辭響

哀玉抗意天雲間世事總成促擾擾不得閒甘陵房

與周南北部相捐如何程夫子名共蜀朔傳有道秉

昭曠感管心撫然三復三歎息歸犁東岡田 刺菴稿

明馬如蛟與襄城伯李衡陽夜飲朔風吹月斂寒雲

說劔侯門卜夜分眼底欲逢歐學士坐中先見李將

軍將軍不是紈綺子攬佩龍文怒封豕一杯塊壘起

東西千古英雄歎魚水長安道上滿貂纓賀蘭山頂

歷陽典錄卷三十二
三
虛銅楹自有白衣參玉輦誰將阜袋亂金城

訥齋集

衡陽名守錡

馬如蛟一百五日同周六建魯過鶴嶼分得清字尋
春徧林壑四顧覺身輕問酒樂平世間鶯懷友生花
飛新樹密雨過亂流清聯袂穿桃隴人疑到赤城

訥齋集

馬如蛟輓戴行樂社丈知君久已一彭殤聞訃無煩
爲斷腸把臂論交更何處春風吹雨柳條香

訥齋集

歷陽典錄卷三十三

歷陽陳廷桂子犀纂輯

藝文十

詩

明紀映鍾訪巽齋烏江草堂畱贈志士蹈高節潔履
去城閤沈淪山澤餘布衣裁至胥家風世忠烈光祿
竹書爛先帝哀孤臣中人截恩渙慷慨再上書浮雲
蔽清漢歸守先人田肆情弄柔翰灌木蔭後園修竹
帶沙岸子規嗥不休閑花四時燦溪敞藏史廬晏坐
失晨旰仍願結精藍孤磬擊霜旦獨行師古人讀書

匪得伴學天不至天以貞為事幹真冷堂稿

龔齋名宏開明光祿丞瑞寰先生元禎子瑞寰死崇禎乙亥流賊之難贈鴻臚丞南渡龔齋伏闕請改贈未許此詩所云慷慨再上書浮雲蔽清漢指此

紀映鍾王氏五烈詩簡季子伊皇原注伊皇王子以其嫂及姊五烈事

語子海內名賢憑弔累牘子徵戴河邨墓表賦詩哀之若宋建炎徐閔中女明正德楊驥妻陳皆前烈外尤慘表中引也伊皇王子耿介士著書恆抱膝咎欲專祀未果因慨及之

為河邨友不尙文勝質相訪霜雪晨含悽言怵怵崇

正歲乙亥西寇颺馳疾城守二日潰刀斧及我室勇

哉婦女五一往志果必曰尹杜魯戴戴歸未百日其

姊劉生妻避賊就王匿不辱奉翁誠凜凜勝嚴律事

急持母姑纒斷急靡術舒頸爭齒刃快利時不失或

呼叔也助或伏弟之鎖彼我雖紛紛飴死情則一七

日面如生衣結儼有似弱女飲凍血寇顧反走逸哀

哉巾幗姿剛毅矯無匹建炎與正德徐陳某嶮嶮事

經廿九年間風我猶栗白頭話疇曩沾汨氣交窟墓

表巋然存專祀願未畢君貧我則衰風聲蕩塵沕波

流益難挽大節誰能恤天地苟不磨五烈耀星日真冷

堂稿

紀映鍾贈和州刺史楊仲延四首大陸抱河山英豪

代不絕魏宋既前賢白傅次後傑勳庸光俎豆雅頌

流徽烈歷陽挺生奇曠世相頡頏運鍾泱潁間礪砢
匪恆轍 長江迅天門名州扼都會山川何悠邈秀
色在衣帶抗論詩與書意薄雲霞外沈酣騷賦心滄
氣發天籟至哉頤中編藝林重珍貝 重陰十月交
馮夷肆狂怒小人化蟲沙餘魂泣霜露刺史元道州
春風被陽煦力挽羣生俛豈獨歌五袴乃知真經術
經世有餘裕 鳴珂出趙都獻賦標金闕大儒長嚴
邦五馬氣超越頓忘圭組榮頻進韋縈謁尙論審汗
隆月旦鑒毫髮扶輪將在茲真風敢云歇 真冷
堂稿
紀映鍾寄張璧齋表丈鑿水望橫江長亭能幾數楊

柳夾江栽新蒲雜芳杜我懷張先生老不忘梁父頌
酒臥煙霞撰書窮委羽萬卷付佳兒一經起庭戶憶
宿先生廬寒月滿廊廡菊殘猶在枝松孤醉堪撫肝
腸資真篤世薄情則古落落元祐人忠孝存家譜別
來十四年夢寤繞環堵嘉樹發琪枝名花增後圃昨
間七十過未得祝純祐倦翮始歸林中愁不能吐緬
維丈人行雅意勝春醺諸弟抱奇姿俯首拾圭組富
貴何足道勉哉前人武 真冷
堂稿
紀映鍾張不二先生絕命辭河邨先生和詩竝書王
汐菴從壁間雙鉤見贈歌以畚之石印不廟江不移

河邨書和含山詩棗林巷裏棲雲壁墨光熊熊蟠蛟
螭含山絕命廿八字太和之音曠古事河邨和詩凡
四章沈沈略略河山汨當時賊臣競朋邪社稷視佗
土委地千年日月懸寸絲布衣直遂成仁志含山續
出首陽歌河邨更識春煠義前死後死雖不同要稱
奇男各無媿五詩傑比中五嶽一百四十峯裂雲破
空卓縱使天柱折地維傾橫豎崩劣誰能平惟有田
橫海島五百客一詩度足當人百棲雲雲氣朝霽皇
中藏倜儻非常之魯連心萬古不壞蘇卿帛鬼物時
呵殿角陰風靄自繞松林赤河邨弟子汐菴空胸有

離騷佩璫玖雙鉤飛白下堵牆人間始得觀响嘍草
堂寒日南窗靜開緘展玩金石迸一戈一磔千鈞強
猶息握管中峯正低徊拂拭心悄悄譬如顏魯公手
寫出師表世間安得此奇物白鶴唳空煠月皎奕也
脫手傻贈予感君誼高情難舒持此渡江歸茅廬蒼
松落落花竹疎相置商盤周鼎黃虞書

真冷
堂稿

棲雲觀州西南三十里一名棗林觀河邨
先生讀書處和張不二絕命詞在其壁上

紀映鍾嘉平十七夜月憶歷陽諸友子月月如鏡歷
陽蕭寺看冬來風雨少江上歲華殘裋褐磨書榻山
堂岸鵬冠別情嘗不忘紅燭翦宵寒

真冷
堂稿

紀映鍾歷陽顧石函相訪貽詩次韻會贈藉甚和陽
 士著書應滿家我如波上鳥君是埒中驂劫火殘星
 墦霜風老物華彥先方杰出安得問松霞 天地軍
 需急非關愛遠遊何期一壤鎔次復感囊羞筵步無
 桓子河汾有薛收愧難賒斗酒為汝解牢愁 真冷堂稿
 紀映鍾寄祝張翥齋文學歷陽高士薄諸生自守田
 園種蚤秔白水渙竿三月雨烏江草舍百年情傷心
 會上排闥贖憶父猶聞罵賊聲身閱浮雲惟閉戶朝
 朝南面擁書城 西望橫江帶白沙菰蘆明月欲浮
 槎宅傳唐代詩人後 原注文學為文昌公後 傳立吳門節士家

原注贈公死忠楊解元廷樞為佗傳

佗賦藏山羞狗監隨僧乞米話牛

車生逢長至梅花發玉樹階前進九霞

真冷堂稿

紀映鍾歷陽別楊使君歷陽風日藹如春一水相從

竟五旬清白自為真刺史江山重見舊詩人簿書剖

決朝無事經籍紛披爽獨親分手孤舟煙月裏鴈聲

彷彿送垂綸

真冷堂稿

紀映鍾送戴務旃遊太華讀君東岱詩奇絕跨馬俄

為太華遊躋躡蚤乘筋力壯僊靈直許杖藜按漫驚

彩筆彫雙鬢自著麻鞵隘十州玉女盆邊朝雨霽蕭

然孤坐對清秋 結束輕裝西入秦關門纔過玉蓮

新布裘五嶽真男子鐵鎖千盤謝故人芝草沿緣丹
壑秀松風濯澣縈衣塵逢君慣佗猶龍歎一公名山

性便馴真冷
堂稿

紀映鍾窮冬凄絕同張理公尋蕭瑟崢泓之處道逢

黃憲叔立談會日暮不果游欲尋蕭瑟崢泓處坦步

蛾眉墩上來忽遇牛醫兒共語滿街落葉首重回真冷

堂稿

明屈大均題戴務旃水田園與君沮溺心農事懷江

陰昨夢水田鷺飛過青竹林朝來佗圖畫春色東泉

溪安得耦耕去還為桑者吟翁山集

屈大均寄戴務旃華山三峯好結一花龕濯足時臨

玉女潭莫駕琴高鯉俛去車箱一穴出江南翁山集

明戴移孝富人述先君舊事莫道吳興事酸風刺骨

寒相知皆歿別無處問平安故鬼千家哭孤城百戰

難當時衣上血今日與誰看碧落後人集

戴移孝訓子已入愚公谷甘為鄭子真兒孫猶漢臘

雞犬自秦人讀易無如損遺安一味貧更嫌名累汝

筆硯不須親碧落後人集

本朝李震贈成我存只飲齋頭一卷詩高吟颯颯動

烁廳卜鄰我欲同王翰藏善誰能隱項斯金石鍊成

堅氣節冰霜洗出冷鬢看漢庭賈仕無奇字祿位何妨執戟卑

道中集附錄

本朝馮溥贈成我控照爍乾坤鑿者稀漫同灑象問飯依慙將檢點窺藏密薄有榮名憶遜肥千古心靈常泛泛幾人功業自巍巍激清海甸為之兆道濟蒼

生志莫違

道中集附錄

本朝龔鼎孳寄懷歷陽刺史楊仲延歷湖春水滿刺史類湖明地據東南勝人馳卓魯名讀書殘玉漏佗賦重金馨已懋循良績行看入邇英

定山堂集

龔鼎孳和陽交苟德齋與余先後同乙卯歷年九十

五神明不衰賦贈一章以志人瑞猶龍道德本嗟峨

南極星高動薜蘿綺里衣冠三代偉義熙甲子六朝

多原注翁在先朝已閱六帝傳家應誦賓筵什畚詔先尊孝悌科

後進喜公同紀歲可容平世老婆娑

定山堂集

龔鼎孳沈雲賓赴含山尉和轅文韻金管春風茂苑

初黃塵京洛馬蹏餘鄉心久逐南枝鵲旅會虛傳卒

舍負到岸江山迎手板臨觴楊柳緩征車一官梅福

仍游戲莫遺歡場老大疎葵榴風漾綠波明忽漫

王程故國行醉後榻逢東閣下邸中綬比會稽輕農

桑地僻春三戶枹鼓宵停月一城遙識河西腰折後

沈郎革帶耐秋清

定山堂集

龔鼎孳壽吳采臣燕山北望賦停雲季重恩從鄴下

分楊柳春絲迴獨石桃花曉磧敞千羣門懸蓬矢長

城壯香拂芸籤午夜薰自是天家真鎖鑰風流羊杜

叟能文

定山堂集

本朝吳偉業為楊仲延題畫冊歷陽山下訪潛夫指

點雲峯入畫圖為讀劉郎廳壁記過江煙雨佗姑蘇

梅邨集

本朝成性過洵陽飲李藜仲署中不見李生久山城

此一隅崎嶇蜀道遠邂逅故人孤枳棘拘能吏豺狼

剩腐儒言安吾輩恥大約共艱虞

足半集

成性贈張理公京闕歡相見高懷悵晚投幾經時變

換不與俗沈浮節飲仍多病酣歌轉動愁滿天秋可

掬願共許詢游

道串集

成性寄丁隱君

原注子妻父隱居桃花鳴

黃河春水縱雙魚是我

春風得意初千里久傳江令筆十年已破伏生書敢

將姓字誇鄉里尚以飢寒累縞蘆鶴髮不知今健否

夜來有夢到瓜廬

率菴

成性寄延慶寺諸僧延慶諸僧臥起遲幾年薪火淚

空垂生平感慨何時盡又在燕山夜雨時

率菴

延慶寺城西九里率
菴先生曾讀書於此

卷三十三

本朝熊伯龍宣府別駕吳采臣與故姊夫西陽衛守
備張倩生友善倩生歿別駕經紀其喪有古人風且
以輓詩見寄余感其義爲和二章張顛難與說行藏
抹額從軍偶佯狂避債靈臺三五畝追歡事過六千
場野狐尙想揚旌節倉鼠誰知飽稻粱不有延陵能
挂劍綠章只合慙穹蒼原注張善道術 拳帷親見荷戈貧
誰爲窮官拂甌塵死後還餘八口在生前僂佗百年
論飛符勘鬼雲中駕刎頸酬恩夢裏身吟罷吳筠傷
友賦悲風陣陣起青萍穀詒堂集

本朝鄧旭贈歷陽隱士劉用之華陽先生古浮邱淮
南隱士難淹畱五芝照眼光爛爛萬松聒百鳴颼颼
青鞵短杖自茲去白柄長鑱夫何來我吹吹簫弄海
月期子控鶴緱山頭林屋集

本朝王士正戴無忝至白和州得務旃書二戴歷陽
秀久別恆相憶如彼下瀨魚溯流不相及時登吳越
觀安得齊秦襲忽見一書來甯忘下車指濠洋集

王士正兜率巖鐵漢和尚所居觀戴務旃畫東峯東
峯插天半兜率極雲端坐愛楚江晚不知風氣寒高
僧去已久神異畱人間蒼髯兩猿子夜月嘯空山花

藥照苔壁藤蘿纏瓦棺白拂猶挂窗斯人幾時還戴
生歷陽秀覽眺窮緣攀日注三山流毫繁生層巒朱
夏凜冰雪青天起波瀾譬如御風行冷然天宇寬披

圖一再歎落照迴禪關

漢洋集

王士正同沈繹堂程周量題項參政倦鳥亭圖是戴
務旃畫自得陶家意吾廬只數椽曲欄斜釣艇飢鶴
啄秣田嘜嘜郊原樹依依墟里煙未須笑襤縷飲酒
豈徒然 白石山中路蕭條暮雪時泉冰紛鹿蹟石
室偃松枝靈境幾人到幽棲良在茲他年鞢鞞去邱
壑有前期 答上半頭寺東峯一振衣愛君圖半臂

清晝坐忘歸山月松間吐僧鐘定後稀舊游如夢
見此重依依

原注曩同方爾止游牛首見務旃所畫東峯半臂最妙 漢洋集

王士正送戴務旃遊華山捫蝨雄談事等閒餘情盤

礴寫孱顏洛陽貨畚無人識五月騎驢入華山

漢洋集

本朝劉體仁送戴務旃遊華山夜談太華奇朝來理

輕策似子獨往意自然生羽翮我無濟勝具心懸神

僊宅椽壁空蟻緣索度或猿擲卽至玉女盆蓮花豈

堪摘頗窮造化由能識巨靈擘一身出天地笑看培

塿積歸來毛髓異定跨茅龍脊

七頌堂集

劉體仁酬張理公過訪憶放天門棹雲林出相輪狂

歌官後減江夢北來頻戴笠逢千里為農量一身何

年西塞下水竹數家鄰

七頌 堂集

本朝諸九鼎送戴務旃遊華山白帝金天鎮青柯玉

女盆遠峯明岳廟初日挂天門眺望情何極登臨葛

未捫何時九節杖同汝問真源

咸舊 集

本朝程可則送戴務旃遊華山春草既銷歇夏雲多

變遷緇塵涅縈衣白日凋朱顏達士抗遐尚杳然非

人間獨往凌清虛杖履何時還 我聞華山高壁立

青芙蓉白帝居其巔側疊羅諸峯君行侶猿獠上下

攀雲松神僊遇有時相將騰赤龍 君本忠孝人當

世稱大賢束身為圭璋所志非偃佞振衣僊掌厓洗

百玉女泉皎然脫物役可以臻長年 我家羅浮下

夙管阻登陟前年岱宗頂煙霞暫怡悅常恐塵土姿

邈與名山絕何能從君遊醉踏蒼龍月

海日 堂集

本朝吳國對雷別成我存同城相公越三里經歲相

違動浹旬久病自知人事廢長貧難與酒錢親文園

潦倒悲歌壯司馬酣呼意氣真正是戢戈橐矢日子

將歸太賦韶鈞

道中集 附錄

本朝施閏章寄楊和州仲延使君五馬賚勝蹟八公

山雉乳行春遠花深臥閣閒田家兼釣弋邑里控江

關部下尋張籍誰當共往還愚山集

本朝吳盛藻醉歌同項犀水馬雲子戴務施上山看
花下山老春風不肯變春草黃河之水清何年寸心
莫令千愁抱座無好酒無清歌人生安得不蹉跎且
喜今日風沙少且喜今日良朋多博徒睥睨錢十萬
酒徒爛醉為君勸一曲昭君歌未終歌兒也似知悲
怨邊地宮商塞上辭有磬無字夾離奇五音何必皆
全解動得人情淚白垂擊劍揮杯燒白蠟干將莫邪
豐城合頓覺塞外非他鄉唱和都忘誰問富少年知
已各星辰忍教相聚不相親鬢眉縱老舌猶在筆硯

雖荒詩有神大白浮來罰爾汝不見乾坤皆逆旅窮
邊酒外長物無鴛鴦何曾嚼腐鼠最喜塞外牡丹四
月開提壺正好行徘徊勸君莫騎驂駟之馬走上黃
金臺塞雲下覆白骨沙皚皚大風吹石生煙埃登高
望遠使心哀吁嗟乎今日公矣明日來天門集
吳盛藻送夏又新還歷陽後我一年至先余此日歸
塵埃孤客瘦薇蕨故山肥話別傷心切還家有夢飛
孺親問消息且莫報寒飢天門集
吳盛藻清明日憶先塋兼悼亡弟風塵八度清明節
插柳攀花益愴神今歲誰為廬墓子去年猶有上墳

人舟行大海鱗孤宦雲在家山獨憶親介子將從賢
母隱君恩可許佗遺民天門集

吳盛藻畚成杏懷給諫相恩何處不神傷怕聽南來

鴈幾行一萬里餘書斷絕十三年事各悲涼欣傳諫

草銷兵革獨恠羈人阻瘴鄉何日先歸松菊下看君

蚤晚致虞唐天門集

本朝李衷燦別黃稻庵僧野寺故人好顏色天涯遊

子鬢鬪鬢榻穿幾處心猶石夜到三更水自冰牆外

老狐吹碧火殿前古佛坐青鐙霜鐘再發辭君去絕

壑危峯樹萬層草

本朝陳維崧酬贈戴二無忝并送其南歸兼寄務旃

次原韻風謹掣冷燭冰厚裂破硯平明挽馬搥送子

出京甸吾子一世豪昂藏路人羨狂餘能儻莫醉後

興繾綣憶替起孤童奮身歷時彥每拊邯鄲笛恆舞

洛陽劒出亾晉重百忍詢越句踐平生觸十死性命

贖一線年來賣醫卜誓不弄刀箭有屋八九間有史

千百卷有兒能販脂有婦工織絹山色露牆匡湖光

洗門扇笑復入長安車脚恐不賤長安牛馬矢累竝

宜春苑居間輒嬉多子又性苦卜此行定底急投謁

祕書院會言鼎革初先子徇一戰填海海已雉逐日

日苦晏卒逢修史詔設局移中監先蹟久沈霾儻獲
廁文獻樹為臣子鶴奉佗千炷鑑嗚咽絕辛酸語罷
泪交濺太息謝故人忠邪久自見况值不諱朝子且
還鄉縣總裁又大賢度以慰悽戀不聞有元世夫立
文山傳我非遷固儔并乏金張援只有一寸心炯炯
可以鑒歸行晤汝兄繼火莖牀薦定憶燕山隅此時
雪成片飢朔正衝寒蚤直麒麟殿陳檢討集
本朝周鑄將至和州阻雨憶楊仲延刺史春風楊柳
渡江濱征馬勞勞為憶君客舍竟逢連日雨故人猶
隔數重雲最難古誼金蘭合每笑時風冷煖分多少

心情疲夢寐鴻警淒斷不堪聞和州志

本朝孫泝如登水西閣看雪卽席佗歌寒囊削凍騁
風嚮黯淡河山若僵癡老我三冬間二冬此日凌晨
良宴會東郭先生大笑行閉門高臥甘何臯我欲椎
門呼此老踏來樂得瑤瑤碎撥鑪圍坐不知寒高窗
直取含山對含山四繞凍雲低枯柯刺天天迷離飢
鴉啄地不得食長喙啞啞羽倒垂頌橘齋集
本朝王畿懷唐若木孫阿匯兩先生何事閒遊滯遠
期十年投分最心知東山得意誰移屐南郭尋花好
賦詩獨鶴欲猜霜下影飛鳥還引日中悲寒江千里

雲煙色回首蒼山託所恩

東柯草堂稿

本朝朱筠二辭孝子祠迎神送神歌嶄巖天門兮齧

江山有樹兮樹有風母死而死兮行莫之雙雙雙魂

來兮祠中神之入兮魴鱖持神之出兮負日烏而

飛母煖母飽兮兒何悲雲中森兮公來壘簾既奏兮

徹殺在祠二辭孝子碑

祠在鎮淮樓街清廉二太守祠中二太守者康熙中奉天何公偉石公參相繼刺和州有恩於和州人建祠合祀之何公故曾表孝子之間孝子貧不娶不久居夫地後四十餘年乾隆丙子何公之戚徐公世連繼守和知孝子事遂耐孝子木主於二太守祠並求得何公所書額懸諸梁

本朝周廷佐甲申大水歌正月元日黃霧仵溼雲蒸

天天欲落東烏殼鯨不敢窺扶桑坐失里閭與城郭

季春之月妖墓來衝塵塞壤如雲排塗人白晝行不

得夜深喧聒轟霆轟父老咄咄說恠事今者流離顛

沛民其災橫江五月江潮溢駭浪奔崩萬馬急溝河

之水日漲三尺餘三日盈丈與城逼田禾萬頃眨眼

空谷時埽壩皆無功廬舍漂沒畜牧死邨堡混仵蛟

龍宮高原下隰平如掌古塚今阡蕩潏瀆塚中白骨

沈泥沙水面橫屍自偃仰惡蛇挂樹食人肉鱸鮓躍

出骷髏腹烏鳶鬩啄來往聲嗷嘈故鬼哧哧新鬼哭

鬼哭向人人不聞倉黃救水如救焚晝迫飢寒夜風

露呼顛噉噪搖千軍城外紛紛走城裏城裏之人驚
且徙沿衢十戶九不開卻向何門乞薪米日暮歸來
相對號戛依荒隴宿風濤明朝攜孥渡江去茫茫鄰
壑安所逃乃知向者元日之霧非偶爾田墓東來良
有以天實厲民噫及此今皇仁澤同天敷九閩迢
遙不可呼眼中之民如哺荼誰司牧者謀其蘇嗚呼

牧者何以謀其蘇

墨田集

周廷佐與姚嘯岑夜話逆旅看遠廬浮雲想太虛半
生諸計拙四海一身餘灑落存知己文章力起予坐

談清興切涼月上東除

墨田集

周廷佐送邱八牖箴北上風霾雪暗祖筵寒冰站塵
關客路漫九派河聲翻月渡千盤岱色撥雲看功名
努力清時易骨肉關心異地難此公逢春及歸鴈不

堪天上望江干

墨田集

本朝姚汝頌劉母節孝詩

原序母石氏歷陽劉我存室羽朝母也歸我存未久

舅染病不起我存刲股以進母疾於別室刲股佗羹
不謀而合疾竟得愈鄉里皆歎其孝年過三十而寡
艱苦自守撫羽朝成立為佳士今母年七十矣羽朝
每言及輒泫泫涕下吳舊浦廣文憫其格於成例未
獲請旌額以節朝上堂暮上堂上堂進羹湯子婦奉
孝兼優頌佗詩

養職循其常吁嗟循其常見股血浪浪惟爺病是感
惟兒肉是將至性不自己自盡甯復商猶是朝上堂

暮上堂上堂進羹湯羹湯同味乃是良方高堂病蘇
兒樂未央解衣自視股上創回頭驚問血羅裳朝
課兒暮課兒課兒有誓兒不之知泔泔晝雨熒熒青
鐙母憂方始兒語未能父師身任兼織紝日授一經
勉古訓是敢孤幃永歲惟荻畫是箴皇天兮見憐俾
兒兮成人吁嗟兒成人兮兒心傷母年三十稱未亾

渙邱草
堂稿

姚汝頌甲申水災歌甲申首夏江潮溢河水湯湯高
數尺水高夏值陰雨連十日五日無陌阡吾鄉土田
異高低低者盡破高者危尺土不敵浪一寸辰築塹

壩午漫漫滲吁嗟田破民生蹙頃刻波濤浸茅屋平地
白日走龍鼉河上船多載人哭船小人多載不得况
復糧空煙火絕舍船嘔泣走城中破寺荒菴暫棲息
城中米賚餐不足牽牛去向屠門鬻今日老牛明日
犢城中人會賤牛肉城下紛紛擔牛骨嗟嗟賣牛牛
幾何我無牛賣忍飢多牽兒泣向大街去大街樓上
喧笙歌樓上歌不已樓下人賣子賣子爲人奴爺孃
係斯須斯須水勢平各各還故廬故廬被漂沒傾倒
難爲居邨墟無人叫飢雀白草一片顏色枯嗚呼去
年借貸完官租今年窮竄居室無樹皮會盡荒草絕

哀號隴上聲嗚嗚城中大厦會有餘道逢丐者猶逐
驅豈知人生四體同肌膚一體偶疾餘不舒眼前哀
樂何其殊得不見之長歎吁安得 帝闈在咫尺綠

章為爾叫天衢

渙邱草堂稿

姚汝頌題魯文晴峯別業卜宅無如野先生有草堂

自然饒水石端不愧柴桑梅古香生座爍高月在牀

花間橫榻處一枕是羲皇

渙邱草堂稿

姚汝頌過魯晴峯故廬悽然有仵魯連東海士清節

著人寰夙谷棲遲地茅茨三兩間琴書空手澤風月

冷柴關此日重經過悽然涕泗潛

渙邱草堂稿

姚汝頌雨後登西城有懷同社諸子林雨溼煙霏疎

鐘隱翠微淡雲籠月上溪鳥傷人飛石氣激爍景湖

光映夕扉高吟違綵侶搔首立斜暉

渙邱草堂稿

歷陽典錄卷三十四

歷陽陳廷桂子犀纂輯

藝文十一

詞

宋朱熹次張安國韻 南歌子 落日照樓船穩過澗

江一片天珍重使君畱客意依然風月從今別一川

離緒惱危絃永夜清霜透幕氈明日回頭江樹遠

懷賢日斷晴空鴈字連

文公集詞

宋石孝友上張紫微 滿庭芳 筆走龍蛇詞傾河漢

妙年德藝雙成帝庭敷奏親擢冠羣英龍首其誰不

取便直饒勳業崢嶸偏他甚潑天來大一箇好聲名
憶曾瞻拜處當年汝水今日湓城歎白首青衫又
造賓閔謹贄新詩一卷仗僊風吹到蓬瀛依歸地薰

香摘豔仙箇老門生金谷遺音

宋吳文英送王歷陽以右曹赴闕 高陽臺 淝水 焮

寒淮隄柳色別來幾換年光紫馬行遲纔生夢草池

塘僊乘丹鳳天邊去禁漏催春殿傳觴過松江雪弄

飛花冰解鳴璫 芳洲酒社詞場賦高臺陳迹曾醉

吳王重上通山詩清月瘦昏黃春風侍女衣篝畔蚤

鶴哀已暖天香到東園應費新題千樹苔蒼夢窗稿

宋張孝祥母氏生朝老人同在舟中 浣谿沙 穩汎

僊舟上錦帆桃花春浪舞清灣壽星相伴到人間

黃石公傳三百字西王母授九霞丹銀潢有路接三

山于湖詞

張孝祥和州守胡明秀席上 菩薩蠻 乳羝屬國歸

來蚤知君膽大心猶小一節不須論功名看致君

鎮西樓上酒父老為公壽更祝太夫人年年封詔新

于湖詞

明秀名昉

張孝祥壽叔父 清平樂 英姿慷慨獨立風塵外湖

海平生豪氣在行矣雲龍際會 充庭蘭玉森森一
觴共祝修齡此地去天尺五明年持橐西清 同來
省戶謀國參伊呂暫偕良籌非再舉談笑肅清三楚

良辰上客徜徉奏篇猶記傳香此日一尊相屬他

時同在巖廊

于湖詞

張孝祥上老母壽 畫堂春蟠桃一朶九千年僊家

春色無邊畫堂日暖卷非煙畫永風妍 看取疏封

湯沐何妨頻棹觥船方瞳綠鬢對儒僊歲歲年年

于湖詞

詞

張孝祥以隋索靖字灑華經及古器為老人壽 西

江月漢鑄九金神鼎隋書小字蓮經罡風劫火轉青

冥護守應煩僊聖 昨夢歸來帝所今朝壽我親庭

只將此寶伴長生談笑中原底定

于湖詞

張孝祥代五三弟為老母壽 西江月慈母行封大

國老僊蚤上蓬山天憐陰德徧人間賜與還丹七返

莫問青都紫府長教綠鬢朱顏年年今日綵衣斑

兄弟同扶酒盞

于湖詞

張孝祥淮西為老人壽 鷓鴣天晝得嬉遊夜得眠

農桑欲遍楚山川間看百姓知公否餘子紛紛定不

然 恩主眷酌民言與民稱壽拜公前只將心與天

通處合住人間五百年于湖詞

張孝祥為老母壽 鷓鴣天阿母蟠桃不記春長沙

星裏壽星明金花羅紙新裁詔貝葉旁行別授經

同犬子祝龜齡天教二老鬢常青明年今日稱觴處

更有孫枝滿謝庭于湖詞

張孝祥平國弟生日 鷓鴣天楚楚吾家千里駒老

人心事正關渠風流合是階除玉愛憎真成掌上珠

紆綵腹薦芳壺老人還醉弟兄扶問將何物為兒

壽付與家傳萬卷書于湖詞

張孝祥為老人壽 鷓鴣橋僊東明大士吾家老子是

一原知非二共攜甘雨趁生朝做萬里豐年歡喜

司空山上長沙星裏乞與無邊祥瑞僊家日月鎮長

春笑人說長生久視于湖詞

張孝祥為平國弟生日 鷓鴣橋僊湘江東畔去年今

日堂上簪纓羅綺弟兄同拜壽尊前共一笑歡歡喜

喜 渚宮風月邊城鼓角更好親庭一醉醉時重唱

去年詞願來歲強如今歲于湖詞

張孝祥代季弟壽老人 虞美人雪花一尺江南北

薪盡炊無粟老僊活國試刀圭千萬人家生意與春

回 天公一笑酬陰德賜與長生籍今朝雪霽壽尊

前看我雙親都是地行僊于湖詞

宋楊冠卿春日呈安國舍人 菩薩蠻飛雲障碧江

天暮杏花簾幙黃昏雨翠襲怯春寒有人愁倚闌

天涯芳草路目送征鴻去人遠玉關長尺書難寄將

客亭類稿

楊冠卿歸自羅浮舟過于湖哭張安國至宋后弔李

謫僊悼今管二賢豪之不復見也月夜酌酒江濱慨

然而公作長短句 水調歌頭曳杖羅浮去遼鶴正

南翔青鸞為報消息巖壑久相望無奈渙渙款乃喚

起蘋洲昨夢風雨趁歸航萬里家何許天闊水雲長

歷五湖轉湘楚下三江興亡千古餘恨收拾付詩

囊重到然犀磯渚不見騎鯨僊子客意轉淒涼舉酒

酌江月襟懷淚淋浪客亭類稿

宋張榘送邵瓜坡赴含山尉且堅後約 摸魚兒正

挑燈共聽簷雨問誰催動行色風前千點離亭恨惟

有落梅知得王謝宅記前度斜陽燕子曾相識花香

霧鳥無計強追隨陽關聲斷回首暮雲隔 文章貫

合上薇垣梧挾征鞍底事江北青衫莫對韓彭著還

是玉麟佳客須記憶有衿佩鏘鏘正願依重席茶蘼

未折次第牡丹開一尊畱待相與醉寒食芸窗詞

張榘和上元王仇香猷含山邵梅僊有渙敘別 浪

淘沙風色轉東南翠擁層巒杏花疎雨逗清寒鍾阜

石城何處是煙靄漫漫 行旆已西關一霎時間芳

樽聊復挽餘歡明日斷魂分付與萬疊雲山詞芸窗

張榘再和 浪淘沙雨過暮天南高下青巒小樓燕

子話春寒多少夕陽芳草地霧掩煙漫 別恨正相

關心上眉間離歌一曲間悲歡後夜月明何處夢鍾

阜含山詞芸窗

本朝吳偉業題和州守楊仲延所寄鷹阿山人畫

風入松長松落落蔭南岡亂山橫砌銀塘梅花消息

經年夢慢支頤老屋繩牀斐几風吹幪帙紙窗雨洗

疎篁 丹青點染出微茫妙手過倪黃寒雲流水聞

憑弔誰能認當利橫江翰墨幽人小戴文章太守歐

陽集梅邨

戴本孝號鷹阿山人

鳳陽縣志 卷三十四 六

